

თბილისის
საბავშვო

საბავშვო

№ 1



მომზადებულია — დიპლომით.



В. Цахадзе

1909

ძინაარსი

I—საშობაო ზღაპარი, — ჯექსი, ვაჟა-ფშაველასი.	3
II—ლუკმა პურისათვის, — ანასტასია ერისთავ-ხოშტარასი.	9
III—საჩუქარი... — ნინო ნაკაშიძისა.	14
IV—საზღვარ გარედ, — (მოგონებანი და შთაბეჭდილებანი) არჩ. ჯორჯაძისა.	26
V—ფუტკარი და მისი ცხოვრება, — წერაიძე შერვა, აბ. წუ- დაძისა.	36
VI—თეთრი ყანჩა, — (დასასრული), ნ. ტელეშოვასა, (თარგ- მანი) განდგვილისა.	41
VII—ნატო გაბუნია, — X—სა.	52
VIII—ფრიდრიხ შილლერი, — ა. შ—ძისა.	54
IX—მითოლოგია, — ტროადის ომი, — მოცაქელების აქადევს- თან წასვლა, ა. შიქაბერძისა.	59
X—რებუსი და ილსნა.	64

ნაპარეული

საქმანავილურ ჟურნალი



წელიწადი მეცხრე სსრკ-ში
თბილისი
საქართველოში

დეკემბერი, 1909 წ.

№ 12.



მზარეული ანგელოზი

შინაარსი

I—საშობაო ზღაპარი, — დექსი, ვაჭა-ფეშველასი.	3
II—ლუკმა ჰურისათვის, — ანასტასია კრისტაფ-ხომტარაასი . . .	9
III—საჩუქარი... — ნინო ნაკაშიძისა	14
IV—საზღვარ გარედ, — (მოგონებანი და შთაბეჭდილებანი) არ. ჯორჯაძისა	26
V—ფუტკარი და მისი ცხოვრება, — წერაღი შერევე, ან. წუ- ღაძისა	36
VI—თეთრი ყანჩა, — (დასასრულა), ნ. ტყეშოვისა, განდე- გაძისა	41
VII—ნატო გაბუნია, —	52
VIII—ფრიდრიხ შილლერი, — ა. შ—ძესა	54
IX—მითოლოგია, — ტროადის ომი, — მოცაქუდების აქიდვეს- თან წასვლა, ა. შიქაძეშვიძისა	59
X—რებუსი და აღსნა	64



290

საშობაო ზღაპარი

I

ტყე როგორ დაბერებულია,
ძირს თავი დაუკიდია;
შეუბრალებელს ზამთარსა
ზურგს ტვირთი აუკიდია
საწყლისთვის. ტყეს ზეაფი აწევს

მძიმე, თეთრი და დიღია;—
ნაღვლობს წარსულსა, ოცნებობს,
გუნება ირ აქვს მშვიდიო.
ილარც ნიავმა დაძებრა,
ჩამოებერტყა ბარდანი, *)
ილარც მზის სხივი ეწამლა
მალლიდინ ჩამონაქანი,

*) ზეზე დადებული თველი.

რომ ჩამოედნო ყინული,
 ტყეს აეხილა თვალია,—
 გამომძვრალიყო კურდღელი
 ბარდში მჯდომარი, ფრთხალია
 და მოეხოხნა ბალახი,
 სადმე ებოვნა მწვანია.
 შეღებებიც ნაღველობენ: ყინ-ულსა
 ნეკერი დაუფარია.
 გარინდებულია და ყუჩობს
 მთელი ფრინველთა გვარია.
 და ტყეში ისმის მგლებისა
 მხოლოდ ღმუილი მწარია.

II

მაგრამ ხან და ხან ზამთრისა
 დღე გამოტყვრება ნათელი
 და ცხრა-თვალი მზე კაშკაშებს
 როგორც წყვდიადში სანთელი.
 სწორედ ასეთი დღე იყო
 შობის სამის დღის წინადა,
 ხეებიც საბან-ახდილნი
 მზეს შეჭხაროდნენ მწკრივადა.
 ყინული ნამად ქცეული
 დაბლა ჩამოდის ხშირადა.
 უცბად ტყე შეფიქრიანდა,
 ხეებს დაუსკდათ გულები:
 ტყეში მოდიან კაცები,
 მხარზე გაედოთ ცულები.

მუხა

ოჰ, როგორ მოისწრაფიან,
 რომ დაგვაჩნიონ წყლულები!
 დაგვერვეიან წყეულნი,
 როგორც ქარავანს თულები.



წიფელი

ჩვენ რა? ხელს როდი გვახლებენ —
 მუხას, წიფელს, ან რცხილასა, —
 არც ვერხვს, არც არყსა, არც თხილსა,
 ვაი ნაძვების ბინასა!

არყი

მუდამ წელს ჩვეულებად აქვთ
 სწორედ ამ დროსა გლეხებსა,
 ზედაც არ შემოგვხედავენ,
 ნაძვებს ატანენ ხელებსა;
 ჩვენ თვალით გვაცქერინებენ,
 როს იმათ სკრიან ყელებსა.

კუნელი

საშობაოდა ზრუნავენ
 ბაღლების გასახაროდა
 და იმათ საქეიფოსა
 ჰქმნიან ჩვენს გასაშწაროდა.

მუხა

ყოჩაღ, კუნელო, შენაცა
 გქონია გრძნობის ნასახი,
 შეუბრალები მეგონე
 ვით ეკლიანი ბაღახი;
 სჩანს, რომ ეკალი არ გიკლავს
 შენ სიბრაღულის გრძნობასა.
 ეგ გრძნობა ძვირფასი არი,
 გთხოვ, არ დაიშო, ძმობასა!

კუნელი

ეკალი მტრისთვის მასხია —
 ნაძვი რა ჩემი მტერია?!
 როცა კი ვხედავ, რომ სკრიან,
 მე ჩემთვის ჩუად ვსტირია.



ხეები (ერაად)

ოღონდაც, როცა ერთს ჩვენგანს
 სცემენ, — ჩვენ გვტკივა ყველასა
 ტანი იმ დროსა, მაგრამა
 დაჩაგრულს ვშველით ვერასა.

მუხა

ნეტავ პირდაპირ არ იდგნენ
 ეგ საცოდავი ნაძვები!
 ბედ-კრულთა ტანჯვა-ვაიებით
 მე უფრო დავიტანჯები.
 მინდა აქედან უძახო:
 კაცნო, ნუ სჩადით ავსაო!
 რაღა ჰქვლევთ, უღმერთოებო,
 დაუნაშავარ ხალხსაო?!
 მაგრამ ჩემი ხმა მკვდარია,
 უხმოდა დნება გულშია;
 ჩემი სათქმელი სიმართლე
 მევე მეხვევა წყლულშია
 ნესტრადა, რადგან კაცთა ჰკვა
 მარტო მკლავსა და ცულშია.

III

მუხა რომ ამას ამბობდა,
 იმ დროს აჩქამდა ცულები;
 აკვნესდა მთელი ნაძვის ტყე
 საწყლებს უთრთოლავთ გულები:
 ნაძვები უნდა გაყიდონ,
 კაცთა აიღონ ფულები;
 არ გააჩნიათ ბეწვადა
 მათი ხვეწნა და წყლულები.
 სხვა ხეებიცა სტირიან
 დამწვარი-დადაგულები,



ამხანაგთ უბედურებას
 რა ჰხედვენ, გაფარჩხულები.
 რამდენიმე ხე წაიქცა
 და უცბად შედგნენ ყველანი:
 ჰხედავენ—მონაქრიდანა
 ნაძვებს გადმოსდით მელანი.
 „ვაჰმეო,“ ერთ-ხმად იყვირეს
 და იარალიც დაყარეს..
 ერთმანერთს გაოცებულთა
 ესე ამბავი ახარეს:
 „ხელს ბავშვი მიჰქვრს ვილაცა
 ანგელოზისა მზგავსია;
 მკლავებს მიღუნებს, თვალებს მქრის,
 თითქოს მზე მადგეს ასია;
 მე ხელს გავანძრევ ველარა,
 სრულიად დავინავსია!“

IV

თოვლი ქალღმერთად ქცეულა;
 მაზედ ჩვილის ყრმის ხელითა
 ზედ იწერება ამბავი
 ალმასის კალმის წვერითა:
 „ნუ გეწყინებათ, მუშაკნო,
 რომ გიღუნდებათ მკლავია.
 მიტომ არ მოკედ ქვეყნადა,
 მიტომ არ დავიბადია,
 რომ ყველამ ის ჩაიდინოს,
 რაც მოსწონ, რაცა სწადია;
 მიტომ არ ვეცვი ჯვარზედა,
 საქმე ვიკისრე ძნელია—
 ერთის ტანჯვითა მეორემ
 რომ მოიღეროს ყელია.



ქართული
აქადემია

უმწეოთ, ტანჯულთ ცრემლებით
ჩემი კალთები სველია!

და, უკაცრავად, ავზედა
არ მოგიმართოთ ხელია!

გთხოვთ ერთს დღეს, ერთ დღეს მაინცა
არ იყოთ ავის მკნელია!

ვინ იყო ამის დამწერი,
ვინ იყო ამის მთქმელია?

ვაჟა-ფშაველა





ლუკა კურისათვის

ბ

ის მნათობნი მხიარულად ციხლებდნენ. ცდილობდნენ ერთმანეთისათვის გადაეცათ ახალი რაღაც. გაკრიალებული, გამქვირვალო ჰაერი გაწამებულიყო. მთვარის ნაზი, ვერცხლებრივი სხივები ეშვებოდა თოვლით დაფენილ მინდვრებზე, და ბუნებას საიდუმლოებით ავსებდა.

შარა გზა კარგა დიდ მანძილზე მოსჩანდა, ირკვეოდა ჩარიგებულ ბოძებით, რომელნიც ერთი მეორეზე გადამზულიყვნენ წვრილ შავთულებით. ადგილ-ადგილ ამ შავთულებზე დადებული თოვლის ფიფქები ხანდისხან თითქო რიასგანაც შეკრთებოდნენ, დაირხვოდნენ, უბზოდ ძირს ცვივოდნენ. თეთრად შელესილი მთები მდელიდურად მისჩერებოდნენ შარა გზას, რომელზედაც გამოჩნდა სადიდკაცო მარხილი. ცხენები შალიშალ ატლარუნებდნენ ზარებს; ამ ატლარუნს ზედ ემატებოდა შეეტლეს მოუთმენელი შემოძახილი.

— აჲ, შე, ზარმაიკო, შენა! აჲ! გასწი წინ! გასწი!..
ეს შემოძახილი უკვე სამი დღეა განუწყვეტლად ყურში შეესმოდა პატარა, რვა წლის გაიას, რომელიც თბილად

ჩაკმული დედ-მამას შუაში ჩასჯდომოდა, მოღალატეობისთვის
 ცული თვალებს ხშირად ლუღივდა, უნდოდა თავისი



თვის მიეცა, მაგრამ ერთ გვარად ყოფნა და ბოლო მოუღებელი მგზავრობა თავს აბეზრებდა სიცოცხლით სავეს ბავშვს. ხანდისხან წამოიწევდა, მიაჩერდებოდა რომელსაზე საგანს და შემდეგ მოუბრუნდებოდა მშობლებს და ეკითხებოდა:

— ხომ არ მივედით, მამი?

— არა, შვილო, ჯერ კიდევ ბევრი გზა გვაქვს გასავლელი. უპასუხებდა მამა და მიაჩერდებოდა ბავშვის დაღონებულ თვალებს. გაიას უსიამოვნოდ მოხვდებოდა გულზე ეს პასუხი, ჩაჩუმდებოდა და უკმაყოფილო ისევ თვალებს მიღუღივდა.

— რა ღამეა! ამისთანა ამინდი სწორედ შეგფერის შობა ღამეს. წარმოსთქვა მამამ და მოხედა ცოლს, რომელიც თბილ მოსასხამში შეხვეულიყო, მიპყუდებოდა ეტლის ზურგს და ჩაფიქრებული პირდაპირ გაიყურებოდა.

— შარშან შობას სად ვიყავით და ამაღამ სადა ვართ! ქარი



რომ ამოგვივარდეს, კიდევაც მიგვახრჩობს ნამქერი! წარმოთქვა კოლმა და დალონებულმა შეჰხედა ქმარს.

— აქეთ ნამქერი არ იცის; იმიტომაც არის, რომ უშიშარია ღამე მგზავრობა, — უპასუხა პავლემ.

პავლე მართალაშვილი სამსახურის გამო იძულებული იყო კოლ-შვილით წასულიყო სამზღვარზე, თუმცა გული სწყდებოდა, რომ ასე შორდებოდა თავის ამხანაგებს, მეგობრებს, საყვარელ ადგილსა.

— ამაღამ ქრისტეს შობაა!.. წარმოსთქვა ისევ ფიქრში წასულულმა დედამ.

— ამაღამ ქრისტეს შობაა, გაია! ჩაესმა ბავშვს ყურში და გამოაფხიზლა.

გაიამ წამოიწია, მიიხედ-მოიხედა და მოუბრუნდა მამას.

— მამილო, მამი! მართლა ამაღამ ქრისტეს შობაა?...

— ჰო, შვილო, ამაღამ დაიბადა ქრისტე.

— დღეს შობაა და ჩვენ-კი გზაში ვართ? შესძახა გოცებით ბავშვმა.

— რა ვუყოთ მერე? შემთხვევით მოგვასწრო გზაზე, ამ დიდებულმა დღესასწაულმა.

— მერე რად დაეტოვეთ ჩვენი ბინა, მამი? შარშან რამხიარულად გავატარეთ დეიდა თებროსთან შობა ღამე! რა მშვენიერი ბრწყინვალე ხე ედგათ!..

— მაგიერად ჩვენს სახლში არაფერი იყო, — ნალვლიანად დაუმატა მამამ.

— აქ რაღაა მერე? ცარიელი მინდვრები, გარშემო თოვლი და სიცივე... არა, მამი, დაებრუნდეთ ისევ უკან, მომწყინდა სიარული! შეტადრე ამაღამ არ მინდა კარზე ვიყო, ცის ქვეშ. *

— აბა, შვილო, მიიხედ-მოიხედე, სწორედ ასეთი ღამე იყო ის ღამე, როცა პატარა იესო მინდორში დაიბადა, მეცხვარეების ფარეხში. მის გარშემო სისაწყლე იყო და არა სიმდიდრე, ნებივრობა.



ბავშვი გაოცებით უყურებდა მამას, მამა უამბობდა მას
წვრილებით იესოს ამბავს.

გაია გაიტაცა ამბავმა, მალი-მალ იხედებოდა ზევით ცაში, სადაც ვარსკვლავები ციმციმებდნენ. ამითში ერთი ყველაზე დიდი თითქო ჩამოსცინოდა, იწვევდა, ეძახოდა გაიას:

— წამოდი, ბავშვო, მიგიყვან პატარა იესოსთან და თაყვანი ეცი.

შენისთანა ანგელოზები მასთან მრავალნი არიან!

გაიას გონება მიმოჰფრინავდა გამჟვირვალო ჰაერში და ოცნებობდა, ეჩვენებოდა, რომ ყოველივე საგანი ბუნებისა იედინებოდა გაჭირვებულთა ცრემლებით და იპყრებოდა დიდებულ, ახლად შობილის გარეშემო, რომელიც იღიმებოდა და ამ ღიმილით აშრობდა ცრემლით ნაკურს საგნებს.

— მაგიჯან! შენა სთქვი, მარიამს უბრძანეს ბეთლემს წასვლა და იმითმაც შემთხვევით გზაზე დაიბადა იესოვო?... იკითხა კარგა ფიქრის შემდეგ გაიამ.

— ჰო, შეილო, იმათაც ასე ჩვენსავით მოასწრო გზაზე დიდებულმა დღესასწაულმა, როგორც ჩვენ ამილამ... აქ, ამ ტრიალ მინდორზე...

— სულაც არა, მამილო, შენ აკი შენის სურვილით მიდიხარ... მარიამს კი უბრძანეს, — მიატანა უკმაყოფილოდ ბავშვი.

— არა, ჩემო გოგონა, მეც მიბრძანეს.

— გიბრძანეს?! ეინ?... რისთვის მიდიხარ?..

— ლუკმა პურისთვის!.. უპასუხა ნალვლიანი მამამ. ამ სიტყვაზე ბავშვი თითქო შეკრთა, შეჰხედა მამას, რომლის გამხდარი, ჯაფისაგან მოღალეული სახე გამოუთქმელ ნალველს ჰხატავდა. მისი მახვილი გონება ღრმად ჩაუფიქრდა მშობლისაგან ნათქვამ სიტყვას...

გაიამ კარგად იცოდა, რომ ულუკმა პუროდ ძნელი იყო სიცოცხლე და ეს ლუკმა პური-კი ისე დაძვირებულიყო მათთვის, რომ ასე შორს, შორს უნდა წასულიყვნენ; მაგიე-



რად გაიას აღარ მოშვიდებოდა და კიდევაც ამისათვის ზრუნავდა მისი მამა, რომელსაც ასე უსაფუძლოდ ესაყვედურებოდა!

გაიას შეეცოდა ახლა მამა და თავი დამნაშავედ იგრძნო. ბავშვმა ხმა-ამოუღებლივ თავი მიაყრდნო მშობელს გულზე, აღერსით შეჭხედა თვალებში, თითქო ამ აღერსით უსიტყვოდ მოტყევებდა სთხოვდა.

მამაც თითქო მიხვდა მის გულის პასუხს და, ნიშნად პატიებისა, დაეკონა თავის გოგონას. ამ დროს ზარებმა უფრო მეტად გაიჟღარუნეს, მოისმა ცხენების ფრუტუნე და მარხილიც სადგურთან გაჩერდა.

ანასტასია ერისთავ-ხოშტარია





სახუქარი...



ატარა მელო აგერ რვა წლისა უნდა გამხდარიყო, მაგრამ ისეთი პაწაწკინა და გამხდარი იყო, რომ ხუთის წლისა არც-კი გეგონებოდათ. დიად, მელო პაწაწკინა იყო, მაგრამ იმის კიდევ უფრო პაწაწკინა წვრილ და სუსტ ფეხებს ამ პაწია ტანის ზიდვაც ემძიმებოდათ და სიარულზე უარს ამბობდნენ. სწორედ ეს იყო მიზეზი,



რომ მელო სულ ერთთავად იჯდა ტახტზე პაწია, მოგძო, დღითა და ღამით ლამპრით განათებულ ოთახში, იმ დიდის სახლის კიბის ქვეშ, სადაც მელოს მამა მოსე შეკარედ იყო, და ამიტომ კიბის ქვეშ უნდა ეცხოვრათ, რომ მომსვლელ-წამსვლელებისათვის არ ელოდებინა და ხარის წკარუნზე კარი ხაჩქაროდ გაეღო.

როცა მელოს ლამპრის სინათლე მოჰბეზრდებოდა და მზის სინათლის დანახვა მოენატრებოდა, ჩამოხობდებოდა ტახტიდან და ფორთხვით გახობდებოდა უკან პატარა მოკირწყლულ ეზოში. იქ სანაგვე ყუთი ახლოს კედელთან ჩაჯდე-



ბოდა, თბებოდა მზის გულზედ და თანაც აღტაცებულა
 ცქეროდა ელურტულა ბელურების გროვას, რომლითაც ყო-
 ველთვის სავსე იყო სანაგვე ყუთი. ხანდახან ბავშვებიც შე-
 მოიბრუნდნენ ამ ეზოში, დასცემდნენ ყოყინას და დარბოდნენ
 სიცილ-ხარხარით. მელი ამ დროს თითონაც ხარხარებდა,
 თვალეში უელავდა, ხელებს ატოკებდა და სიტყვებით და ძა-
 ხილით იღებდა თამაშობაში მონაწილეობას. ხანდახან დაავი-
 წყდებოდა კიდევაც თავის ფეხების სისუსტე, წამოიწევდა ასა-
 დგომად, მაგრამ მაშინვე ფეხები ეკეცებოდა და მოწყვეტილი
 ეცემოდა დედამიწაზე. ბავშვებს, ამის დანახვაზე, ხარხარი აუ-
 ტყდებოდათ და შერცხვენილი, თვალ-ცრემლიანი მელი ისევ
 მიფორთხავდა თავის ოთახისაკენ, სადაც ლამპრის მკრთალი
 ნათელი ბეუტავდა და მკრთალად ანათებდა: მოგძო, დაფე-
 რადებულ ქერიან ოთახის ჩაშავებულ კედლებს, ნაქრების სა-
 ბნით გადაფარებულ ერთად ერთ საწოლს, კუთხეში პატარა
 მაგიდაზე წამოსკუპებულ ბჭყვრილა სამოვარს, სკივრს, რომელიც
 სკამების მაგივრობას სწევდა, კარიბჭეში საყურებელ
 პატარა, გარედან უჩინარ, ფანჯარას და მალლა კუთხეში ლა-
 მაზ თაროზე არშიებიან თეთრ ფარდიდან გამომცქირალ
 ღვთის მშობლის ხატს. ყოველ საღამოს მელი დიძინების წინ
 დაჩოქილი და ამ კუთხისაკენ ხელიაბყრობილი, თვალცრემ-
 ლიანი ევედრებოდა ღვთისმშობელს: „ყოვლად წმიდაო ღვთის
 მშობელო, მომირჩინე ჩემი სწეული ფეხები, რომ შემეძლოს
 მეც სხვებივით ეზოში თავისუფლად სირბილი, რომ წრეულს
 მივცე შევიძლო ჩემის საკუთარის ფეხებით ასვლა თამართან
 შობის ხის დღეს.“ და შემდეგ დაშვიდებული ნელა ხუქავდა
 თავის შავს, დიდრონს თვალეებს და იძინებდა. გრუზა ზილ-
 ფები შავი ვარაყივით წამოეზლებოდა ირგვლივ სანთელივით
 ჩამომდნარ, დაშვიდებულ პაწია ნაზ სახეზე, რომელიც ოდ-
 ნავაც არ ირბეოდა, თითქოს არ სუნთქავსო. მხოლოდ ხან-
 დახან ძილში ნელ-ნელა დაიკენესებდა და ეს სუსტი კენესა



გრგვინვისათვის დაიგრიანებდა მელოს დედის თეკლეს გულში. საბრალო დედას გულიდან მწარე ამოძახილად ოხვრა აღმო-
ხდებოდა და თვალცრემლიანი დააცქერდებოდა შვილს, თავის
ერთადერთ ნუგეშს, მაგრამ ასეთ სუსტ, უბედურ ნუგეშს.

— რამდენი ხანია ეს ბავშვი ამ ოთახში გყავთ? — ჰკითხა
მელოს მამას ექიმმა ერთხელ, როცა ამ სახლის პატრონმა,
მოსეს კეთილმა ქალბატონმა, სთხოვა შემოევლო და გაესინჯა
კუტი ბავშვი.

— ბავშვი აქ დაიბადა, ბატონო, — მიუგო მოსემ.

— რას ამბობთ? — შეჰყვირა ექიმმა, ერთი კიდეც მიაველ-
მოაველო იქაურობას თვალი, თავი გადაიქნია და დაუმატა, —
ახლავე წაიყვანეთ აქედან სადმე სუფთა ჰაერზე, სოფელში და,
თუ ეს არ შეიძლება, კარგ ოთახში, ნათელ, მშრალ ოთახში
გადაიყვანეთ. ეს ოთახი ნესტიანი, ბნელი და ცივია, გესმით?
აქ ბავშვი არ მორჩება.

— სხვა ოთახში გადაიყვანეთ, — სთქვა ნაღვლიანად მო-
სემ, როცა ექიმი წავიდა: — ადვილი სათქმელია სხვა ოთახში
გადაყვანა, მაგრამ სად არის ამ სხვა ოთახის სახსარი? ქალბა-
ტონი არ იძლევა, ის კი არა — ამბობს, ამ კიბის ქვეშაც არ
გაქვს ნება, ცოლშვილს რომ აცხოვრებო, რადგანაც სტუმ-
რები, ასვლა-ჩამოსვლის დროს ბავშვს ჰხედავენ, როცა კა-
რიბჭეში გამოგყავსო. სრულიად თავისუფალი უნდა იყო, თუ
გინდა შეკარედ სამსახურიო. მაგრამ მინც გულკეთილის ქალ-
ბატონი, ადღეგრძელოს ღმერთმა, რომ არ გვეყრის სახლიდან.

— გულკეთილი-კი არა, ანგელოზია სწორედ, — მიუგო
კოლმა: — კეთილი როგორ არ არის, როგორ ებრალება ჩვენი
მელო, თავის ქალის გამონაცვალს რამდენს გვაძლევს, ამას-
თან უოველთვის შობის ხეზე ჰპატიყობს, საჩუქრებსაც აძლევს.
შარშან, ღაზლის პერანგები რომ აჩუქა, აქამდის ვაცმევ...
წრეულსაც დაჰპატიყებს უთუოდ... ეჰ, იმდენ ოთახებში ერთს
რომ მოგვცემდნენ... — თეკლე ჩაჩუმდა. მოსეც იჯდა ჩუმი,
შემდეგ ამოიოხრა და გავიდა გარედ.



ზამთარში მელო გარედ აღარ გამოდიოდა. იჯდა და იჯდა ოთახში ტახტზე. ერთ დღეს კარი გაიღო და ოთახში შემოიღობინა სახლის პატრონის ქალმა, პატარა თამარმა. თამარი მხიარული, ქერა თმა-გაშლილი, ლურჯთვალა გოგონა იყო. ტანზე ცისფერი პალტო ეცვა, თავზე თეთრი რბილ-ბეწვიანი ქუდი ეხურა და ამნაირივე ხელების სათბუნებელი ჰქონდა. შემოვიდა თუ არა, ერთ წამს შეჩერდა, მოიკმუნხა, თვალეში სიბნელე მოხვდა და დახუჭა, მაგრამ სწრაფად ამოიფშვნიტა და ისევ გაახილა, დააკვირდა იქაურობას და ვაარჩია იქვე კედელთან ტახტზე მელო და გაიცინა.

— თამარ!.. — შეჰყვირა მელომ და გაფართოვებულის, გახარებულის თვალეებით შესცქეროდა. სიხარულისაგან ხმა ვეღარ ამოეღო.

— მელო, იცი, ხვალ საღამოს ჩვენსა უნდა მოხვიდე, შობის ხეს ვმართავთ... საჩუქარიც იქნება შენთვის.. ძალიან სასარგებლო... ხომ მოხვალ?—დაეკითხა, ერთ წამს ჩამოჯდა მელოსთან და მოჰკიდა ხელი.—იცი ..

— თამარ! — გაისმა ხმა.

— ოჰ, დედა მეძახის... მელოდება... სავაქროდ მივდივართ, — სთქვა თამარმა და გავარდა გარედ.

მელო სიხარულით აღარ იყო: „რამდენ რამეებს ვნახავ, — ფიქრობდა ღიმილით და გული მოუთმენლად უცემდა.— რა მშვენიერი მორთული ნაძვი იქნება, რამდენ ბავშვებს ვნახავ... საჩუქრები... ნეტავი რა იქნება ჩემთვის: კაბა, თუ ლაზლის პერანგები? ოჰ, მეც რომ სირბილი შემეძლოს, სხვასავეთ მშვენიერ სათამაშოს მივიღებდი.. მაგრამ არა უშავს—რა... შარშან რა მშვენიერი დედოფალა მათხოვა ხელში დასაქერათ ერთმა პატარა ქალმა... როგორ მღეროდნენ“... — და მელო მოუთმენლად ელოდა მეორე დღეს.

დაბინდდა თუ არა მეორე დღეს, მოსემ აიყვანა თვისი პაწაწინა ქალი, რომელიც ძალიან მსუბუქი იყო და რომლის სიმძიმესაც ვერც კი ამჩნევდა იმის დიდრონი მკლავები. გრძნო-

ბდა მხოლოდ თავის წვერით შემოსილ ლოყაზე გქმობდნენ და ბილ პაწია, ნაზ ლოყას, აბრეშუმით რბილ ზილფებს და გული სიამოვნებით ეკუმშებოდა წასვლის ხანს დედაც მოეხვია შვილს, აკოცა და უთხრა:

— მელი, შვილო, როცა ქალბატონმა საჩუქარი გიბოძოს, ხელზე აკოცე.

მოსემ აიყვანა შვილი ზედა სართულში და დიდ დარბაზში შეიყვანა. რა მშვენიერად იყო აქ ყველაფერი მორთულ-

მოკაზმული, თითქო სიზმარში ან საზღაპრო ქვეყანაშიაო. ხალიჩები, ფარჩის ავეჯეულობა, ბროლის კანდლები, ბრინჯაო და მშვენიერი სურათები, — ყველაფერი ბრწყინავდა, ლაპლაპებდა და აშუქებდა ყოველ ყურე-კუთხეს. მაგრამ ყველაზე

უფრო მშვენიერა და საყვარელი რამ იდგა შუა ოთახში; მაღალი, სულ ქერამდის ამართული, ვარსკვლავებით, ოქრო-ვერცხლით და ათასნაირ ბქყვრიალა სანთლებით

გაბრწყინებული მწვანე ნაძვი. მხოლოდ შობის ხეს რომ მართავდნენ, მელი მაშინ ამოდიოდა აქ



და მოეჩვენა თითქოს შარშანს აქეთია ეს ხე აქ იდგა და კიდევ უფრო გაიზარდა და გამშვენიერდა. მოშორებით კედელთან იდგა საჩუქრებით სავსე დიდი მაგიდა.



მელო დასვეს ხის პირდაპირ ტახტზე. სტუმრებს დაუფრეს
დენა. მოდიოდნენ ბავშვები, რომლებსაც თან მოჰყვებოდნენ
ზოგს დედები და ზოგს მამები. თამარი თმა გაშლილი, თეთრ
აწებებთან კაბაში გამოწყობილი დარბოდა, სტუმრებს მხია-
რულად ეგებებოდა, ყველას ართობდა, ემუსიფებოდა. თამა-
რის დედა, კეთილი ქალბატონი ელენე, გრძელ, მშვენიერ
ფარჩის კაბაში გამოწყობილი, ყველას ართმევდა ხელს, ჰკოც-
ნიდა და იწვევდა შობის ხისაკენ.

— ოჰ, რა საუცხოვო შობის ხეა!

— ოჰ, რა მშვენიის ელექტრონით განათება. — ამბობ-
დნენ ყველანი, დაინახავდნენ თუ არა ხეს და ალტაცებით
შესცქეროდნენ.

დამკვრელი მივიდა როიალთან და დაუკრა საცეკვაო.
მუსიკის ხმაზე ბავშვებმა ასტებეს თივილ-ხივილი და, ხელიხელ
ჩაკიდებულთ, დაუწყეს ხეს გარს ცეკვა-თამაშით ტრიალი.
ერთმა მეზღვაურის ტანისამოსით მორთულმა პატარა ბიჭმა შე-
ამჩნია ტახტზე მელო და საჩქაროდ მიიღრინა მასთან.

— გოგონავ, შენ რატომ არ თამაშობ?.. მოდი, მოდი
ჩქარა, — უთხარა იმან, მოჰკიდა ხელი და წამოსწია.

— არა, არა... მე... ვერ ავდგები. — უთხრა მელომ და
თვალები ცრემლებით აევსო. პატარა ბიჭი გაკვირვებული შეაც-
ქერდა.

— ეჰ, როგორ ვერ ავდგები?.. დედა, — მიუბრუნდა იქვე
ახლოს მჯდომარე ქალს, — უთხარი ამ პატარა ქალს — ჩვენთან
ითამაშოს.

— ოჰ, მართლა, — სთქვა ქალმა, — რატომ არ თამაშობ,
გოგონავ?.. ჟჰ, რა ერთი ნამცეცა და გამხდარი ბავშვია... მაგ-
რამ რა მშვენიერი... ვისი ხარ შენ, გოგონავ, პაა?..

მელო მართლაც მშვენიერი იყო თავის ცისფერ კაბაში.
შავი ხუჭუჭი თმა და შავი ღიდრონი თვალები თითქოს აშუ-
ქებსო იმის პაწია, აღელვებისაგან შეწითლებულ ნახსახეს.

— არა, გენაცვათ, მელოს არ შეუძლია თამაშობა, — უთხ-



რა თამარის დედამ, რომელმაც გაიგო, როგორც მოხერხდა და მოვიდა მათთან, — ეს ბავშვი დაბადებიდან კუტია და ვერ დადის...

— ოჰ, საწყალი! — სთქვა სტუმარმა და თვალეებზე ლორწო-ნეტი ¹⁾ გაიკეთა, რომ უკეთ დაეთვალიერებინა მელი.

— ვისია ეს უბედური?

— ჩემი მეკარის შვილია... წარმოიდგინეთ, თამარის ტო-ლია და რა განსხვავებაა ჩემ გოგონასა და მაგას შუა. თით-ქოს არ იზრდება... მებრალეა საწყალი. ექიმსაც ვაჩვენე. ნე-ბას ვაძლევ მეკარეს ცოლ-შვილი თავისთან აცხოვროს, თუმ-ცა ეს ჩემთვის ძალიან უხერხულია. მეკარე სრულიად თა-ვისუფალი უნდა იყოს, მაგრამ, აბა, რა ვუყო ამის პატრონს? ხომ ვერ გავაგდებ?!

— ძალიან გულ-კეთილი ბრძანდები. ელენე, თორემ, სხვა ვინ შეიწუხებს თავს მეკარის ბავშვისათვის. უთუოდ სა-ჩუქარსაც დაუმზადებდით.

სტუმარმა გაიხედა მაგიდისაკენ.

— რასაკვირველია, მხოლოდ საჩუქარს ამისათვის ყო-ველთვის საჭიროს და სასარგებლოს ვამზადებ, რომ ცხოვრე-ბაში გამოიყენოს. ჩვენი ბავშვები სულ სხვაა. ჩვენებს საჭი-როება არა აქვთ და გასართობი უნდათ, ამათ კი საჭირო სა-განი ურჩევნიათ... წარმოიდგინეთ, ჩემი თამარი აქედანვე არა ჩვეულებრივ გულმოწყალებას იჩენს: თვითონ ჩავიდა და დაჰპატივა ეგ ბავშვი.

— ერთობ კეთილი ადამიანი ხართ სწორედ და თქვენი შვილიც თქვენსავით კეთილი იქნება, რალა თქმა უნდა, — სთქვა ქალმა და ჩამოიღო ლორწეტი.

მეზღვაურის ტანისამოსში გამოწყობილი ბიჭი გულმო-დგინედ უგდებდა ყურს ლაპარაკს, მანამ დედამ ისევ არ გა-ისტუმრა ბავშვებთან სათამაშოდ. მელი სულით და გულით

¹⁾ ლორწეტი — სათვალეა, რომელსაც ტარი აქვს გაკეთებული ბე-ლი დასაჭერად.



მადლობელი იყო კეთილის ქალბატონისა, თუმცა ვერცხვით არ ეთანხმებოდა კეთილ ქალბატონს საჩუქრის შესახებ; მელოს ერჩინა, რომ სათამაშო ეჩუქებინათ, მაგრამ ამისი თქმა ხომ არ შეიძლებოდა, და კეთილმა ქალბატონმა კი ეს არ იცოდა.

ბავშვებმა ბევრი ირბინეს, ითამაშეს, იმღერეს და, როცა გული იჯერეს გართობით, ქალბატონი ელენე მივიდა საჩუქრების მაგიდასთან. ბავშვები გაფაციცებით, მოეღვარე თვალებით მიუახლოვდნენ. ყველას სახეზე ცნობის მოკვარეობა იხატებოდა: ნეტა რა საჩუქარი მერგებოა.

ელენემ დაიწყო საჩუქრების დარიგება. თითო ბავშვი თავის წილად ერთს რასმე სათამაშოს, პარკით სავსე კამფეტებს, ტკბილეულობას და ელენეს კოცნას იღებდა. მელოს ტახტიდან კისერ-წაწვდენილი გაფაციცებით შესცქეროდა და მოუთმენლად ელოდა თავის საჩუქარს.

— დედა, დედა! — ჰყვიროდა იქით გახარებული პაწია ქალი, — შეხედე, დედა ელენემ რა მაჩუქა. — ხელში თითქმის თავის ტოლა გაცინებული დედოფალა ეჭირა, რომელმაც სიარულიც იცოდა და ლაპარაკიც.

— აბა, დედა, ნახე! — ჰყვიროდა აქა პატარა ბიჭი და მოარბენინებდა დედასთან წითელ ტანისამოსში გამოწყობილ მოცეკვავე დედოფალა ბიქს.

— აჰა, მამა, მატარებელი... აუზი და გედები... შეკაზმული ცხენი... მყვირალა დათვი, კიანური... — ჰყვიროდნენ სხვები ყოველის მხრიდან და ჰქონდათ ერთი სიცილ-ხარხარი და ტრიაბული. ზოგი უკვე შესკუპებულიყო ცხენზე, ზოგი ასრიალებდა მატარებელს, აყვირებდნენ დათვს, ულოლიავებდნენ დედოფალებს.

— ოჰ, რა საუცხოვო საჩუქრები დაარიგა ელენემ! — ეუბნებოდა ერთი სტუმარი ქალი მეორეს.

— სწორედ საუცხოვოა, საუცხოვო!

— ეს შობის ხე ორმოცი თუმანი მაინც დაუჯდებოდა, — ეუბნებოდა იქით ერთი წვერიანი კაცი ერთს ქალს.



— რა არის ელენესთვის ორმოცი თუმანი, მდიდარია და ამოდენა სახლები აქვს. ამასთან ისეთი გულკეთილიც არის... ისე უყვარს თავისი თამარი, რომ იმის სასიამოვნოდ არას დაზოგავს... რა კეთილია, ნახეთ, შეკარის კუტი ბავშვიც-კი მოიწვია. — უბასუხა ქალმა და ორივემ მელოსაკენ მიიხედეს. შემკრთალი, შეშინებული მელიო საჩუქრების მაგიდისაკენ იყურებოდა, მაგიდა ცარიელი იყო, მხოლოდ ერთი ტკბილეულობის პარკი-ლა იღო ზედ. ელენე ვილაც კაცს ღიმილით რაღაცას ელაპარაკებოდა. მელოს იმედი დაეკარგა და ის-ის იყო თვალთაგან ცრემლები უნდა გადმოსკდომოდა, რომ ელენემ მოიხედა და დაინახა.

— ოჰ, უკაცრავად, — უთხრა ელენემ კაცს, მოტრიალდა, დაიხარა და ამოიღო მაგიდის უკან, კედელზე აყუდებული ორი პაწია, თავზე მემ-გადაკრული ყავარჯენი და პარკი და გასწია მელოსაკენ. ახლო-მახლო მდგომნი, ყველანი გაკვირვებულნი ელენეს ამნაირის გულკეთილობით, გამოჰყვნენ კუტი ბავშვისაკენ.

— აი, მელიო, შენთვის ძალიან სასარგებლო საჩუქარი, — უთხრა მელოს ტკბილის ხმით ელენემ — ახლა მალე სიარულს დაიწყებ.

მელიო შეკრთა, განცვიფრებით დაუწყო ჯოხებს ცქერა... ნუ თუ იმისთანა ბედნიერი ვიქნები, რომ სიარულს დავიწყებ როდისმეო... ეს ჯოხები რა სასარგებლო უნდა იყოს, ნეტავი?

— ჩამოართვი, ჩამოართვი... მადლობა მოახსენე... ხელზე აკოცე კეთილ ქალბატონს! — მოესმა მელოს აქედ-იქიდან. ელენემ ამასობაში დააწყო ბავშვის გვერდით ტახტზე ყავარჯენები და მიადვა პირზე ხელი საკოცნელად. მელიო ისე იყო დაბნეული, ელენეს ნათქვამით, რომ ვეღარ მოასწრო მოფეტიკრა ხელზე კოცნა; ელენემ ხელი უკანვე მიიღო და გატრიალდა. მელიომ მხოლოდ ახლა გაიგონა სიტყვები: „ხელზე აკოცე“, მოაგონდა დედის დარიგებაც და გულმოდგენით აკოცა, მაგრამ საკოცნელი ხელი უკვე შორს იყო და კოცნა ჰაერში გაისმა.



ყველამ გაიხარხარა. შერცხვენილმა მელომ დაიხარა. ერთმა მზიარულმა ქერაქალმა თავზე ხელი გადაუსვა და წარმოსთქვა:

— საყვარელი გოგონაა, კარგი!

მუსიკა გრიალებდა.

ბავშვების ერთი ჯგუფი მწყობრად და საამოდ გალობდა. უცებ მელოსთან გაჩნდა მეზღვაურის ტანისამოსით ცქრილა ბიკი და აღერსიანად ჰკითხა:

— აბა, მაჩვენე, რა სათამაშო მიიღე?

— აი,—მელომ აჩვენა ყავარჯნები.

— განა ეგ სათამაშოა!...

— არა, ეს სასარგებლოა.

ბიკმა არაფერი სთქვა. ცოტახანს მდუმარედ შესცქეროდა ყავარჯნებს, შემდეგ თითქოს რაღაც მოაგონდაო, სწრაფად გამოიწვდინა წინ ორივე ხელი, რომლებშიაც თავისი საჩუქარი ეჭირა.

— შეხედე, —უთხრა მელოს, — შეხედე, შერა მივიღე! — ეს იყო მშვენიერი, ფერადებით დასურათებული წიგნი: ყველა ქვეყნის პირუტყვი, ფრინველი და მწერი შიგ ეხატა. — აი, ეს შენთვის მიჩუქებია... მე ბევრი მაქვს, — დაუმატა და ჩაუღვა წიგნი კალთაში. მელოს თვალები გაუშუქდა, სიხარულით შეტოკდა, ორივე ხელი გაუწოდა პატარა ბიკს, თითქოს მადლობის ნიშნად უნდოდა მოხვევენოდა, მაგრამ ბიკი თითონ დაიხარა, მოეხვია და აკოცა.

— ჩაი, ჩაი მიირთვით, მობრძანდით! — გაისმა თამარის წკრილა ხმა და ბავშვები სიცილით გაჰქანდნენ სასადილო ოთახისაკენ. უშველებელი დარბაზი ერთ წუთს დაცალიერდა. მოსამსახურებმა ჩააქრო უკანასკნელი სანთლები შობის ხეზე. თუმცა ელექტრონის ფარნები ისევ ვარსკვლავებივით ბრწყინავდა ზედ, მაგრამ ხემ თითქოს ოდნავ მოიწყინა, ისე მზიარული აღარ იყო. შემოვიდა მელოს მამა, აიყვანა თავისი გოგონა და წაიყვანა ქვევით, თავის ოთახში, კიბის ქვეშ. იქ



საკმელებით და ტკბილეულობით გაწყობილ პატარა ბავშვებზე უკვე ჩუხჩუხებდა მხიარულად სამოვარი. დედა გახარებული მიეგება, გამოართვა მოსეს ბავშვი, ჩაიკრა გულში და შემდეგ დაისვა გვერდით მაგიდასთან.

— ჰხედავ, მელო, ყველაფერი ეს ჩვენმა კეთილმა ქალბატონმა გამოგვიგზავნა.

— აი, დედა, მე რა მაჩუქა ერთმა მშვენიერმა ბიჭმა, — სთქვა გახარებულმა მელომ და გადაშალა წიგნი, მაგრამ, თითქოს რაღაც მოაგონდაო, დაუმატა: — აი ეს ქალბატონმა მაჩუქა, ძალიან სასარგებლოა, — და აჩვენა დედას ყავარჯენები.

— შეხედე, რა კეთილია ქალბატონი, როგორ ზრუნავს შენთვის; ამით ახლა სიარულს დაიწყებ.

— ამით! — შეტყვირა ბავშვმა, — მაშ ეს მომირჩენს ფეხებს?.. რა ბედნიერი ვიქნები! დედა, მამა, მომირჩენს? — მოტრიალდა და მოეხვია მამას. დედას თვალები ცრემლებით აევსო და, რომ არ შეემჩნევიდნენა შვილისათვის, ადგა და კუთხეში რაღაც ფუსფუსი დაიწყო. მამასაც ცრემლები მოეხვინა ყელში, მაგრამ თავი შეიმაგრა.

— იცი, მელო... — და მამამ დაუწყო ახსნა, თუ როგორ დახმარებას გაუწევდა ყავარჯენი სიარულში.

გაისმა ზარის წყარუნი. მოსემ სწრაფად შეიკრა გულზე მეკარის ტანისამოსი და გავარდა გარედ. კბეზე გაისმა ფეხების ბრახა-ბრუხი. მიდიოდნენ ნასიამოვნე ბავშვები შინ და მოდიოდნენ ვახშმად დაპატიყებული სტუმრები.

— ეჰ, მე შეგონა მომირჩებოდა, — სთქვა მელომ, მაგრამ ესეც კარგია.. კეთილი, კეთილი, მშვენიერი ქალბატონი, როგორ ზრუნავს ჩემთვის! — და აღერსით უსვამდა ხელს ყავარჯენებს.

გვიან, თითქმის გათენებისას, როცა სტუმრები დაიშალნენ და მოსე ოთახში შემოვიდა დასაძინებლად, მაშინვე მივიდა, დახედა თავის ბავშვის მკრთალს, გამხდარს, მაგრამ გა-




ლიმებულ სახეს, იქვე ყვარჯნები დაინახა და ნელია გულგულად
მტკინეულობით წაიბუტბუტა:

—რა საყვარელია... და, ღმერთო ჩემო, სამუდამოდ კი
კუტი... კეთილი, კეთილი ქალბატონი, დაჰპატივა, ასიამოვნა...
ოჰ, რა მეშინოდა და ვარიდებდი ყვარჯნებს... მეგონა...—ის
ერთს წუთს შეჩერდა,—ოჰ, ერთ ხეირიან ოთახს რომ...—
აღარ დაამთავრა აზრი, გააქნია თავი და მიბრუნდა
ტახტისაკენ, სადაც იმისთვის ლოგინი იყო გაშლილი.

ნინო ნაკაშიძე





საზღვარგარეშ

(მოგონებანი და შთაბეჭდილებანი)



I

მ ათიოდე წლის წინად ინგლისში გ ვემგზავრე. გემით წავედი. პეტერბურგიდან ბალტიის ზღვით ჰელსინგფორსში (ფინლიანდია) და კოპენჰაგენში (დანია), შევლით ჩრდილოეთ ინგლისში მდებარე ნავთსადგურ ლულში ჩა-

ვედი. ჰელსინგფორსში ნ - ნ საათი იდგა ჩვენი გემი და მეც ვისარგებლე ამ გარემოებით და დავათვალიერე ფინლიანდიის დედა-ქალაქი. შევდგი თუ არა ფეხი ქუჩაში, იმ წამსვე ვიგრძენ, რომ რუსეთში აღარა ვარ. სისუფთავე. გარეგნული მოწყობილობა, ზუროთ-მოძღვრება და ყოველივე ის, რაც ახასიათებს და განსაკუთრებულ ელფერს აძლევს ქალაქს, აქ სულ სხვა არის, ვიდრე რუსეთში. შესანიშნავი არა ვნახე-რა. არც უნივერსიტეტი, არც სენატი, არც სხვა რამ დაწესებულებამ თუ ძეგლმა ჩემი ყურადღება არ მიიპყრო. ყოველივე სადა, ზომიერი და მკვიდრია. აშკარაა, ამ ქალაქში ხალხიც სადა და მკვიდრია. ერთმანეთის ნდობა დიდია. ტრამვაიზე „კონტროლიორები“ თავს არ გაბეზრებენ. მაღაზიასა თუ ბაზარში იმას არ უყურებენ, რომ უცხო ხარ და არ გყვლე-



ფაენ. ერთ სარძევეში შევიარე. ქალს, რომელმაც მკვლელობა მიტანა, რუსული არ ესმოდა. ხურდა ფული რომ მომცა, გავკვირდი, ასე ცოტა რომ აიღო და მგზავრს ორიოდვე შაური მეტი არ ამწაპნა.

პელსინგფორს რომ გავშორდით, ზღვა ძლიერ აღელვებული იყო. გემი ხან მალლა აღიოდა, ხან თითქოს უფსკრულში ვარდებოდა. ერთის საათის შემდეგ მოგზაურები, ზღვის ავადმყოფობით დაშინებულნი, კაიუტებში მიიმალნენ. მეც ცუდად გავხდი და ლოგინს არა ვცილდებოდი. სამი დღე და ღამე გაშოტილი ვიყავ, ფეხზე დგომა შეუძლებელი იყო. ერთხელ ვცადე, წამოვდექი და ორი ნაბიჯი გადავდგი. ამ დროს ჩვენი გემი ტალღას საშინელ სიმაღლეზე აყვანა და ზვიდან დაქანებული თითქოს მუხლ მოკვეთილი ჩაწვაო, ბოლო გზაზე შეეჯახა გვერდელა ტალღას, ერთ წამს შედგა, მერე შეტოკდა, დაბარბაცდა და მარცხნივ დაიხარა ისეთის ძალით, რომ თქვენი მოწონებული ძირს გავიშლართე და საწოლის რკინის ფეხებს მაგრა წავევლე ხელები — აქედამაც სხვაგან არ გადამისროლოს-მეთქი. ბოლოს, როგორც იყო, საწოლზე ავცოცდი, ტყავის სარტყელნი, რომელნიც საწოლს აქვს მობმული, კარგად გავამაგრე და ვიწყქი სულგანაბული, იმის მოლოდინში, რომ გააფთრებული ზღვა ჩვენს პატარა გემს ან კლდეს მიახეთქავს, ან გადაატრიალებს და ჩასძირავს ზღვის უფსკრულში-მეთქი.

ასე ვიარეთ სამი დღე. ბოლოს, როგორც იყო, კოპენჰაგენის ნავთსადგურს მივადექით. ძალზე წვიმდა და ქალაქი ნესტიან ჯანლით იყო მოცული. ზღვაში ნავები დასცურავდნენ. მენავეებმა გამაკვირვეს. ბევრს პიჯაკები ეცვა, თავზე „კოტელკები“ ეხურათ. ზოგს დიდი ქოლგა ჰქონდა გაშლილი და იქვე აშვერილ ხეზე მიკრული. უჩვევი მგზავრი ამ მუშა ხალხს „ბატონებისაგან“ ვერ გაარჩევდა. ნავთსადგურში ტყვა არ იყო. დიდძალი მუშა ირეოდა. ზოგი მუშაობდა, გემებს სტვირთავდა, ზოგი მგზავრების „ჩემოდნებს“ ეზიდებოდა,



უმრავლესობა კი მუშაობის ძებნასა და მოლოდინში იყო. აქ უფრო ახლო ვიყავ და დავაკვირდი ამ „სერთუკიან“ მუშებს. და მივხვდი, რომ „პიჯაკიც“ არის და „პიჯაკიც“. ჩემს თვალწინ წარმოსდგა ადამიანი, დაფლეთილ „შტაკურ“ ტანისამოსით მოსილი; დაგრებილ, ძირებ-დახვრეტილ დიდრონ, ტლაპოში მოსვრილ ფეხთსაქმელში გამოწყობილი, იგი „ბატონის“ და „ჯენტლმენის“-ს აჩრდილს წარმოადგენდა. შორიდან კი ყოველივე ეს არა სჩანდა; არც ის სჩანდა, რომ უმრავლესობას დაღლილი და ფერ-მიმკრთალი იერი ჰქონდა. აშკარაა, ეს ის ბრბოა უქმელ-უსმელი, უმუშევრად მოწინააღმდეგე, არაყის მოყვარული, ზნეობრივად და ფიზიკურად დასნეულებული მუშა ხალხის ის ნაწილია, რომლის რაოდენობა ასე დიდია ევროპის ყველა დიდ ქალაქში. ლონდონში უფრო ახლო გავეცან ამ ხალხს და ამის შესახებ ქვემოთ მექნება ლაპარაკი.

კოპენჰაგენში ჩვენი გემი დიდხანს არ იდგა. და მეც ჩამოსვლა ვერ გავბედე, თუმცა ძლიერ საინტერესო იყო ჰეფდინგის¹⁾ და გეორგ ბრანდესის²⁾ საშობლო დედა-ქალაქი. გავედით თუ არა ზღვაში, ისევ ის განმეორდა, რაც უკვე გამოვცადე. ასე რომ ინგლისში მისვლამდე სულ მწოლარე ვიყავ და მარტო შავი ყავით ვიკვებებოდი. ერთხელ-კი წამოვდექი. მითხრეს, გრენლანდიის კუნძული მოსჩანს შიარიდანაო. როგორც იყო, ზევით, ბაქანზე ავცოცდი. მაგრამ, მართალი გითხრათ, ჯანლის მეტი და ნაცრისფერ ცისა და ზღვის მეტი მე იქ ვერა ვნახე რა და ისევ ჩემს კაიუტაში ჩავედი.

მეოთხე დღე გათენებული იყო, ლულის ნავთსადგურში რომ შევიდა ჩვენი გემი. ზღვა ძალიან მიყვარს, მაგრამ მკვიდრ ნიადაგზე ფეხი რომ შევედგი, ცოტა არ იყოს, თავისუფლად ამოვისუნთქე. ვისაც თავბრუ ესხმის გემის ქანაობისაგან და იძულებულია გაშობილი იყოს და უქმელიც, (რადგან გუ-

¹⁾ ფსიხოლოგოსი და ფილოსოფოსია.

²⁾ პუბლიცისტი და სალიტერატურო კრიტიკოსია.



ლის რევა იცის ზღვამ), იმისთვის იკარგება ზღვევების შექმნის რეზერვები და მომხიბვლელობა. ამ შემთხვევაში ახვირთებულ ზღვის ნახვა, ნიკიერ მხატვრის ტილოზე გადაღებული, ვაცილებით მეტ სიაშოვნებას აძლევს ადამიანს, ვიდრე ამ შფოთიან ზღვაზე მოგზაურობა გემით, რომელსაც ტალღა ნაფოტივით ხან აღმა ისვრის, ხან დაღმა. ერთის სიტყვით, გამეხარდა ინგლისში რომ მივედი და რკინის გზის სადგურისაკენ გავეშურე ლონდონში წასასვლელად.

ერთ საათს შემდეგ მატარებელში ვიჯექი, რომელიც საოცარის სიჩქარით მიგვაქანებდა ლონდონისაკენ. რკინის გზის საქმე კარგად ყოფილხ მოწყობილი. მატარებელში სამი კლასია. ვაგონები კუპეებათ არის გაყოფილი და შესავალი ერთ მხრიდან აქვს. კლასებს შორის დიდი განსხვავება არ არის. ყველგან რბილი ბალიშებიანი დივნებია. კედლებზე სუოათებია გაკრული. პირველ და მეორე კლასში მეტი სისუფთავება, ეს არის განსხვავება. კუპე, საცა ვისხედით, დაგვიკეტეს და მხოლოდ იშვიათ სადგურებზე, საცა მატარებელი ერთის წამით დგებოდა, აღებდნენ—ისიც მგზავრების შესაშვებად. შორს მანძილზე სიარული ამგვარ მატარებლით მოუხერხებელია. და ამ შემთხვევისთვის სხვაგვარი მატარებელიც არის ინგლისში, იმისი მსგავსი, როგორც რუსეთში—კარიდორებიანი და სხვა საკირო მოწყობილობით. მაგრამ ამგვარ მატარებლის რიცხვი მცირეა. არც არის საკირო, რომ ბევრი იყოს. მთელ ინგლისს ჩრდილოეთიდან სამხრეთამდე 8—10 საათში მოივლი. და ლულიდან ლონდონამდე 5 საათის სავალია. გზაში ბილეთი არაფინ მოგვკითხა. ვაგონიდან ჩამოსვლის დროს ართმევენ მხოლოდ ამ ბილეთებს. ბარგის გადატან გადმოტანაც გაადვილებულია. ვაგონში დიდ კალათას ან მძიმე ჩემოდანს არ შეგატანინებენ. და ამით არას დაქარგავთ, რადგან თქვენს ბაგაეს განსაკუთრებულ ვაგონში სდებენ. ზედ მხოლოდ კვიტანციას აკრავენ; ზედ დაწერილია, სად უნდა იყოს ჩამოღებული ეს ყუთი თუ ჩემოდანი. ადგილზე მისვლის-



თანავე, თქვენ თვითონ მიხვალთ, უჩვენებთ „პორტეზის“
ბარგს და არხეინად მიდიხართ. არც კვიტანცია, არც შემო-
წმება, არც დავი-დარაბა.

ესეც ლონდონი, უზარმაზარი, უსაზღვრო გროვა ადა-
მიანთა. ქალაქს არავითარი ფორმა არა აქვს, რადგან შეტად
დიდია. ადამიანი ადვილად ვერ ითვისებს. ათასჯერ გაიარეთ
ერთი და იგივე ადგილი, ათასჯერ დაგებნევთ გზა-კვალი.
დიდრონ ქუჩებზე ხალხი, ეტლი, ომნიბუსი ისეა მოზღვავე-
ბული, რომ ადამიანის გინდ ომნიბუსის ინდივიდუალურ გა-
მოსახულებას ვერ ჰხედავთ,—ყოველივე იმალება, ქარწყლ-
დება საერთოდ ამოძრავებულ მორევში. მოძრაობა ქუჩისა
ორის მხრით სწარმოებს. ყოველივე და ყველაფერი ერთი
მეორეს მისდევს. ომნიბუსები ერთის ვერსის მანძილზე არიან
გამწკრივებულნი. კონდუქტორები თითქოს გრამოფონიდან
ამოსულ მყეფარე ხმით იწვევენ მგზავრებს—„ლანდან ბრიჯ“,
„სენპოლს კათიდრალ“, „რეჯენ სტრიტ“... და სხვა—გაჰკვივიან
ქუჩების, ტაძრების და ხიდების სახელებს. კაი გმირობა უნდა
ქუჩის ერთის მხრიდან მეორეზე გადასვლასა. ვერც მოახერხებთ,
უკვე არსებულ წესს რომ არ დაემორჩილოთ.

განსაზღვრულ ადგილებში (განსაკუთრებით იქ, საცა
ბევრი სხვა ქუჩა ერთმანეთს ხვდება და უერთდება), სდგას
უზარმაზარი „პოლისმენი“ (გოროდოვოი). „პოლისმენს“ პა-
ტარა ჯოხი უქირავს ხელში. ასწევს თუ არა პალა ამ ჯოხს,
მთელი ეს უთვალავი მოძრავი გროვა ადამიანებისა, ეტლე-
ბისა და ომნიბუსებისა, როგორც ერთი ადამიანი, ერთბაშად
შესდგება. და მაშინ შეკიძლიანთ გადახვიდეთ ერთის მხრი-
დან მეორეზე. პატარა ხანს უკან „პოლისმენი“ ისევ ანიშ-
ნებს ჯოხის აწევით და ისევ შეინძრევა დროებით თითქოს
დამბლად ჩავარდნილი და გაშეშებული ხალხი და ისევ განა-
გრძობს თავის საქმიან მსვლელობას. ახლა აუარეთ დიდ ქუ-
ჩას გვერდზე, შეუხვიეთ პატარა ქუჩაში და ერთბაშად იგრ-
ძნობთ თქვენს თავს უდაბურ ტყეში. ვიწრო და ბნელ ბილი-



საქართველო

კების მავნარ ქუჩების რიცხვი უსახლეროა. ყოველ-
სადაც სახლების საწყობებია, სადაც განუწყვეტელი და-
ტვირთვ-გამოზიდვის მუშაობა სწარმოებს. დიდი გამჭრია-
ხობა უნდა, აქ ადამიანი არ დაიბნეს, და ისევ დიდ ქუჩაში
გამოვიდეს, მაგრამ აქაც თქვენი მსხნელი იგივე „პოლისმენია“.
ჰკითხავთ, მოკლედ მოგიკრის: „სტრაიტ, ტარნ ანდი ლეფთ“
(პირდაპირ, მარცხნივ შეუხვიეთ) ან სხვა რამ ამგვარი. ამ
პოლისმენების შემწეობით ყოველსავე მოაწყობთ, ენაც რომ
არ იცოდეთ. ოღონდ ბარათი წააკითხეთ. ზედ წააწერს და
სხვა პოლისმენთან გაგზავნით. უკანასკნელიც წააწერს რაღა-
ცას და ამგვარად მოგაძებნინებენ, რაც გესაქიროებათ, დაწე-
სებულებაა, სადგური, მალაზია, თუ კერძო ადამიანის ბინა.

ლონდონში დიდხანს არ დავჩი. შემურებოდა სოფლად
გავსლა, სადაც მეგულებოდა ერთი საყურადღებო რამ, რომ-
ლის გაცნობა და შესწავლა საინტერესოდ მიმაჩნდა. იმ ხანად
ინგლისში ტოლსტოის ნაწერებს დიდის ყუთადლებით ეკიდე-
ბოდნენ. ტოლსტოის იქ მოწაფენიც გაუჩნდნენ და ამ მო-
წაფეებმა დააარსეს კოლონია, სადაც ერთად დაიწყეს მიწის
შემუშავება. ამ კოლონიის სეგ-ბედი მინდოდა გულით გამე-
ცნო. და მეც გავსწიე ესეკსში, სადაც სოფელ პერლი—კო-
კლასში ახლად ბინას იკეთებდა ხსენებული კოლონია. იმ
ხანებში, როდესაც მე მოველი, საქმე დასაწყისში იყო. სო-
ფელ კოკლასში კოლონიტებმა იყიდეს პატარა ადგილი. ამ
ადგილზე სახლს აშენებდნენ და მიწის დამუშავებასაც მი-
ყვეს ხელი. კოლონია რიცხვ-მრავალი არ იყო. შესდგებოდა
ათიოდე კაცისაგან. ხოლო ამ კოლონიის ახლო მახლო ად-
გილებში შეიკრიბნენ და დასახლდნენ ამ მოძრაობის თანამ-
გრძობნი. ესენი იყვნენ ცოლშვილიანები—მისტერ მოოდ,
ტოლსტოის თხზულებათა ინგლისურ ენაზე მთარგმნელი,
მისტერ კენვორდი, ცნობილი მწერალი და ორატორი და
სხვანი. აქვე დაბინავდა ზოგიერთი რუსიც. კოლონიტების
უმრავლესობა ინტელიგენტი ხალხი იყო. მუშაობას არ იყვნენ



დაჩვეულნი და ძლიერ მინდოდა მათის საქმიანობის დაწყება. იდგნენ პატარა „კოტტეჯებში“ (სახლებში) ორ-ორი, ან სამ-სამი ერთად. სადგომი ბინა ყველას სუფთად ჰქონდა შენახული. არავითარი მორთულობა არ ჰქონდათ, ხოლო თითქმის ყველას „ეტაჟერკაზე“ მწკრივად ელაგათ ლამაზ ყდებით შეკაზმული წიგნები. ყველას ჰქონდა ტოლსტოის თხზულებანი. ამერიკელი მწერალი ემერსონიც ხშირად მხვდებოდა და ამასთან შელლის პოეზიაც. სანამ საერთო ბინა არ ჰქონდათ, ცალკე-ცალკე სადილობდნენ. ხორცს არა სკამდნენ, მარტო მცენარეულობას სჯერდებოდნენ, კარაქს, კვერცხს და ხილს, განსაკუთრებით ვაშლს. ერთი კოლონისტი სახელად ედუარდი ვაშლის და პურის მეტს არასა სკამდა. ედუარდი პროფესორად ნამყოფი იყო. სადა და უბრალო წესი ცხოვრებისა უფრო მოსწონდა; დაუნებებია თავი თავის პროფესიისათვის და მიწის დამუშავება დაუწყებია. ტანისამოსს თითქმის არ იკარებდა. ეცვა მხოლოდ პერანგი და მისი ამხანაგი, ისიც მოკლე, მუხლამდე. ფეხ-შიშველა და თავ-შიშველა დადიოდა. თმა დიდი და ხშირი ჰქონდა და წვიმისა, ქარისა და მზისაგან მეტად გამაგრებული და გაბურძვნილი. კოლონისტები დილით ექვს საათზე გადიოდნენ სამუშაოდ და მუშაობდნენ საღამოს 6 საათამდე. მუშაობდნენ დინჯად და აუჩქარებლივ. ორის თვის შემდეგ სახლი ააგეს, საცა დააბინავეს კოლმედილიანი წვერი კოლონიისა და აქვე იკრიბებოდნენ კვირაობით. კვირაობით იკრიბებოდნენ აგრედვე თანამგრძნობლებთან, განსაკუთრებით მისტერ მოდთან, რომელსაც აქვე ახლო კარგა მოზდილი სახლი ექირა.

მე დავბინავდი ერთ ბებერ მუშის ოჯახში. ოჯახის პატრონი ავადმყოფი კაცი იყო, ვერც კი დადიოდა. სუსტიან დღეებში დილიდან საღამომდე იჯდა ბუხართან. ცოლი და ქალიშვილი ფუსფუსებდნენ სახლში და პატარა ბოსტანში, რომელიც სახლის კარებზე ჰქონდათ. ოჯახი ღარიბი იყო. სამი მოზდილი ვაჟი ლონდონში მუშაობდნენ და კოტ-



კოტას ეხმარებოდნენ დედ-მამას. გარდა ამისა მოხუცებულმა მამამაც რებოდა აგრედვე სოფლის საზოგადოება (ფერიშ). ჩემი დაბინავება გაეხარდათ. თუმცა კოტას მართმევედნენ, მაგრამ ეგეც დახმარება იყო ღარიბ ოჯახისთვის.

აქ რომ დავბინავდი, დავაკვირდი ინგლისის სოფელს. გარეგნობით მოწყობილია. კარგი გზებია, ყველგან ფოსტატელეგრაფის კანტორებია, მივარდნილ სოფლებშიაც-კი მოიპოვება ფოსტის ყუთი. წერილები დღეში ორჯელ მოაქვთ. პოლიცია, გზირ-ბოქაულები არავის აწუხებს. მაგრამ ეს მხოლოდ გარეგნობაა. შიგნით რომ შეიხედოთ, გაოცდებით, რომ ამისთანა დაწინაურებულ ქვეყანაში ასეთი სიღარიბეა. ინგლისში სოფელი და სოფლის მიწა დიდ მემამულეებს ეკუთვნის. მიწას იჯარით აძლევენ ფერმერებს და მიწად-მომქმედთ. ფერმერები უმეტესად საშუალო შეძლების ხალხია. მიწას დიდი ვადით ჰქირაობენ. ჰყავთ მოჯამაგირენი. მოჯამაგირე უმიწაწყლო სოფლის მუშაა. მათი რიცხვი დიდია. კვირაში იღებენ 13 შილინგს (შილინგი=50 კ. 13 შილ=6.50). იტყვიან, კარგი ფასიაო, მაგრამ უნდა იცოდეთ, რომ ამ ფულით სახლ-კარიც უნდა დაიქირაოს და ოჯახიც შეინახოს. და ოჯახის შენახვა-კი ინგლისში ადვილი საქმე არ არის. გირვანქა ხორცი ღირს ათი შაური და თითო კვერციხე 5—6 კაპეიკი. ასე რომ უფრო კარტოფილზე გადადიან და, რადგან კარტოფილი მუცელს ამძიმებს და არ აძლობს, ამიტომ ხალხი ნახევრად დამშეულია. ამ რიგად სოფლის მცხოვრებნი შესდგებიან ფერმერებისა (უმცირესობა) და მუშებისაგან. მაგრამ უბრალო მუშის სახლში რომ შეხვიდეთ, იქ სიღარიბეს ვერ დაინახავთ. ხერხიანად არის დამალული. მოწყობილობა რიგიანია. კამოდი, შკაფი, კარგად გამართული განიერი საწოლები, ფარდები, ხალიჩა. რამდენიმე წიგნი და ყოველთვის სახარება და დაბადება — ყოველივე ეს ყოველ მუშის ოჯახში არის. ბევრს მოსდის იაფფასიანი კვირეული გაზეთი (ღირს 2 კაპ. და შიგ 30 გვერდია). ფანჯრებში ყვავილებია და ფარდაც სწორედ იმ

ზომამდეა ჩამოშვებული, რა ზომაზეა იგი ჩამოშვებულია ზობლის სახლში. ინგლისელებს ერთმანეთის მიბაძვა უყვართ და ყველა ისე სცხოვრობს, გარეგნულად მაინც, როგორც ყველანი. ფანჯარას რომ ფარდა არა ჰქონდეს, დიდი სირცხვილია. ლონდონში ერთ რუსის სახლობას არ გაეკეთებინა ფარდები. მთელე უბანი აშფოთდა. შეუთვალეს, ჩვენ გიყიდით ფარდას, თუ ღარიბი ხართ, ეს კი შეუწყნარებელია, რომ გამვლელ-გამომვლელი ჰხედავს ყოველივეს, რაც თქვენს ოჯახში ხდებაო. ოჯახის პატივი დიდი აქვს ინგლისელს. ისე ადვილად თავის ოჯახში არავის შეიპატიებებს, როგორც ჩვენში იციან. თუ კარგად არ გაგიცნო, არ მოგეკარება. და თუ გაგიცნო, დაგიმეგობრდება, ხოლო ჩვენებურად არა, არამედ ნამდვილად, ნამდვილ მეგობრობას და პატივის ცემას გაგიწევს.

როგორცა ვსთქვი, კოლონისტები კვირაობით ერთად იკრიბებოდნენ. ერთი მეორის დახმარებით დაამზადებდნენ სუფრას ჩაის სასმელად. გრძელ მაგიდაზე გაამწყრივებდნენ ფინჯნებს, დაალაგებდნენ პურს, ყველს, კარაქს და მურაბას. მაგიდას რომ მიუჯდებოდნენ, ყოველი ჯერ იმასა სცდილობდა მეზობლისთვის მიეწვდინა რაიმე, ან ყველი ან კარაქი, ან მურაბა. განუწყვეტლივ ერთი და იგივე სიტყვა-პასუხი იმის: გნებაეთ ჩაი, გნებაეთ პური? „იეს, თენკ-იუ“ „ნოუ, თენკ-იუ“ (კი, გმადლობთ, არა, გმადლობთ). რომ გაათავებდნენ, ყველა შეუდგებოდა ქურქლის დასუფთავებას და სუფრის ალაგებას. სწრაფად, ნახევარ საათში ყოველივე იყო დაწმენდილ-დაკრიალებული და თავის ადგილზე დაალაგებული. ხანდისხან ამგვარ ჩაის სმას გარედ მწვანეზე გამართავდნენ ზოლმე. და აქ ჰაერის ზედგავლენით და ცის ქვეშ თავისუფლად ყოფნის წყალობით უფრო მზიარულად და გულახდილად საუბრობდნენ. ერთად შეყრილ კოლონისტებს უყვართ სჯა-ბაასი და აზრთა ერთმანეთში გაზიარება. ლაპარაკი ინგლისელებმა დიხჯი იციან. არავინ გაგაწყვეტინებს, არა-

ვინ შეგიშლის აზრს, ყველანი ჩუმი და პატივისცემით უმღლებენ ყურს მოლაპარაკეს. და სანამ არ გაათავებს, წინააღმდეგ აზრს არაფერს იტყვის. კარგ მოქმელს კარგი მსმენელი უნდაო და ეს სწორედ ინგლისელებზეა ნათქვამი. სჯა-ბაასის გათავების შემდეგ, კოლონისტებს ჩვეულებადა ჰქონდათ გალობა, ფისგარმონს ააყოლებდნენ ხმებს და გალობას ყველა ერთხმაზე ამბობდა. მართალი ვითხრათ, ეს გალობა არ მომწონდა. აბა, ერთხმაზე ნათქვამი გალობა რა უნდა ყოფილიყო. მაგრამ ინგლისელებს ძალიან მოსწონდათ. უცნაური რამ შევამჩნიე ინგლისში. იქ ყველა მღერის და პიანინოს ცოტ-ცოტას ყველა უკრავს. მუსიკალური გემოვნება-კი სრულიად განუვითარებელია. საზოგადოების წინაშე ისეთები გამოდიან სასიმღეროდ, რომ ჩვენში შეუძლებელია ამგვარი გაბედულება. იქ-კი არ ვიცი, გადამეტებულ თავაზიანობით, თუ გემოვნების განუვითარებლობით ყველა „თენკ-იუს“ (მადლობას) ეუბნება მომღერალს. მაგრამ სიმღერას გარდა, ჩვენი კოლონისტები ხანდისხან ცეკვასაც მისდევენ. უმეტესს ნაწილად კაცი კაცს დაებლაუჭებოდა ხოლმე და „პოლკას“ აბტუნავებდნენ. ამ თამაშობაშიც მაინცაღამაინც დიდი შრომა არა ჰქონდათ. მაგრამ კოლონისტები კმაყოფილნი იყვნენ გასართობით და მოზრდილ ბავშვებივით შეექცეოდნენ. ასე მუშაობასა, სჯა-ბაასსა და უმანკო ღროს გატარებაში სცხოვრობდნენ წყნარად და დინჯად ტოლსტოის მიმდევარნი ინგლისში.

არ. ჯორჯაძე





ფუტკარი და მისი ცხოვრება

წილი მირვი

(უძვენი ბუტკაჩელა გოგი ვარლამის-მეს კიკინაძეს).

(შემდეგი)

მე სულ სხვა ვარ, სულ სხვა მუშა
და სხვა გვარად მოღვაწეო:
ზევის მუშას მუშაობს,
არ ვარ მარცო სამიწეო. აკაკი.

მართვი



ემო მეგობრებო! რამდენადაც შემეძლო, გა-
გაცანით ფუტკრების გამოჩეკ-ალზრდა, მათი
კკუა-გრძნობიერება; ბოლოს გაგაგებინეთ, თუ
რისაგან რას აკეთებენ სკაში. თუ არ მოგწყინ-
დათ და თავი არ მოგაბეზრეთ, ახლა მსურს გა-
გაგებინოთ, როგორ მრავლდება ფუტკართა სა-

ზოგადობა, ესე იგი, როგორ გადაიქცევა ხოლმე ერთი ოჯახი
ორად. თქვენ იცით, როგორ გაიყრებიან ხოლმე ორნი ძმანი,
როცა რომელიმე ოჯახი იმდენზე გაიზრდება, რომ ერთად ვი-
წროობას იგრძნობენ, ან ერთი მეორეს ოჯახის წევრნი ვერ
შეეთვისებიან, დაუძახებენ კეთილ-სინილისიერ, შეგნებულ მეზო-
ბლებს და მათ მიანდობენ, რომ ამ მეზობლებმა სინილისიერად
გაუყონ მთელი ოჯახის დოვლათი ოჯახის წევრებს, ისე რომ
არც ერთი წევრი არ დაიჩაგროს. ასეთ შუა კაცებს ეძახიან
მედიატორებს. წარმოიდგინეთ, ჩემო ძვირფასებო, ფუტკრის
ოჯახობა როცა იმდენზე მოლონიერდება, რომ იგრძნობენ



ვიწროობას. აღარ ექნებათ ადგილი, სად მოათავსდნენ და დაეცნენ, ნაშრომი და ჯარ-ჯამათი, მაშინ იყრებიან, მაგრამ ამისათვის არ სკირდებათ არც აშლა, არც დაშლა, არც მოციქული და არც მედიატორენი. აი როგორ იყრებიან.

თუ ვახსენებთ წინა საუბრებს, მოგაგონდებათ, რომ დედა აღრე გაზაფხულზე სდებს მუშა ფუტკარების კვერცხებს; როცა სკა მუშა სულით მოლონიერდება, შემდეგ დედა ფუტკარი აჩენს მამლებს, შემდეგ-კი, როცა სკაში მუშებიც ბლომად არიან, მამლებიც მზიარულად ნადიმობენ სხვის მონაგარით, სკაც გამოკიცილია თეარის, თაფლით სავსე პურებით, ფუტკარები ამბობენ თავიანთ გუნებაში, ჩვენ ხომ ზარმაცები არა ვართ, ტყუილად ხომ ვერ გავჩერდებით; ვიწრომით და სად დაეტოვოთ ნაშრომი; მინდორში ბლომად არის სათაფლე ყვავილები. მაშ, მშრომელო დებო, გავიყარნეთ და შევქმნათ მეორე ოჯახი, დავაარსოთ კიდევ მეორე საზოგადოება. ამ გადაწყვეტილების ასასრულებლად საჭიროა მეორე დედა ფუტკარი, რადგან ფუტკარებს მშვენიერად ესმით, რომ თუ დედა არა ჰყავთ, ისე „ცუდი მათი თათბირი და ყოველი დანაპირები.“ რა ჰქნან? მეორე დედა არა ჰყავთ—ერთს სამეფოში ორი მეფე ხომ არ შეიძლება—ერთი ერთმანეთს დასკამენ. ჩვენი პაწია მშრომელები ისეთი მიხვედრილი ხალხია, რომ ამისთვის არ დაგიღონდებიან. ხელად მოიფიქრეს და საქმესაც დაუყონებლივ შეუდგნენ; მოაგროვეს ბლომად სანთლის ქერტლი, დაეხვია ძრიელი რაზმი მუშებისა, ფიქის გვერდულზე ააშენეს მუხის რკოს მსგავსი საკვერცხე—ამ საკვერცხეში დედამ კვერცხი ჩასდო, მუშა ფუტკარები მესამე დღეს გამოჩეკილ ქინკლა პაწია მატლს თვალის ჩინივით უვლიან, ვარს ეხვევიან, რომ არ შესცივდეს ან არ მოშვიდეს. კარგად ესმით, რომ ამ პაწია მატლისაგან უნდა აღზარდონ ღირსეული სამეფო პირი, რომელიც შემდეგში უნდა იქმნეს მთელის საზოგადოების დედა, ურომლისოთაც დაიღუპება მთელი ოჯახი, ამოწყდება მთელი საზოგადოება.



დიდი საკვერცხე მისთვის გააკეთეს, რომ დედა ახოვანმა გამოვიდეს, მისი სხეული კარგად განვითარდეს და დასრულ-



დედა ფუტყარი.



ცალკე გამო-
კრილი დედა
ფუტყრის სა-
კვერცხე.



დეს, რომ უხვად შეიძლოს კვერცხის დება და მით შთამომავლობის აღორძინება.

საუკეთესო ღირსების თაფლს მისთვის აკმევენ, რომ ადრე დაასრულოს ზრდა, გარეშემო მისთვის ეხვევიან, რომ დაიცვან სიცივისაგან და მოულოდნელ მტრისაგან. ეს ქინკლიმატილიც პატივისცემას იფერებს, კამაში ღორმუცელობას იჩენს და ძრიელ ადრე მსხვილდება. თავის მატლობის ზრდას ხუთ დღე ნახევარში კიდევ ათავებს (სხვებზე ნახევარ დღით ადრე). ამის შემდეგ იქცევა პარკუჭათ და რვა დღე ნახევარს განისვენებს და შერვიდმეტე დღეს, დღიდან კვერცხის დადებისა, ჰხვრეტს საკვერცხის თხელ სახურავს და ნაზად, შორცხვად, ვით ქალწული, იწყებს გალობას (საკვერცხიდან ამოცოცებამდე) ტი! ტი! ტი! ეს გალობა გაიგონა ძველმა დედამ—ამდროს კვერცხის დებაში იყო

ფიჭის გვერდული ნაპერი, რომელზედაც არის საკვერცხეები მუშის, მამლისა და დედისა. დედის საკვერცხე ბ—საგან დედა უკვე გამომძვრალა. ბ. უკვე დაბეჭდილია, მაშასადამე, მსაგან შემდეგში უნდა გამოვიდეს. ბ—ში დედა ფუტყრის მატლი ან მოუკლავთ მუშა ფუტყრებს ან თავისით მომკვდარა, მისთვის ემჩნევა გვერდიდან ნახვრეტი.



გართული, დაშინვე თავი გაანება საქმეს და გაქანებული გაეშურა იქით, საიდგანაც ესმის მისთვის არა სასიამოვნო ხმა. წამსვე მიხვდა, რომ გამიჩნდა ოჯახში მეტოქეო—მიხვდა, რომ გაჩნდა მეორე მეფე. ის ძრიელ თავმოყვარეა, ძრიელ უყვარს თავისი თავი, არა სურს, მის გარეშე სხვაც იყოს მისი მსგავსი. ამისთვის გადასწყვიტა, ჩემის ხელით დავახრჩობ ჩემს ასულს, სადედოფლოდ გაჩენილსაო. როგორ შეიძლება ერთ ცაზე ორი მზე! როგორ იქნება ერთ სამეფოში ორი მეფე! სიკვდილი ერთ ერთს! გამარჯვება, რასაკვირველია, ძველ, ღონიერ დედას დარჩება, მაგრამ „ობლის მამა ღმერთია“. ვინც გამაჩინა, იმან დამარჩინაო, ხომ გაგიგონიათ. აქაც ეგრეა. უმწეო, უბედურ სადედოფლო დედას გამოესარჩლებიან მუშა ფუტკრები—ისინი ძველ დედას წინ გადაუდგებიან და არ აძლევენ ნებას, მოჰკლას მისი მეტოქე. ძველმა დედამ ბრაზისაგან აღარ იცის, რა ჰქნას, მაგრამ რა ჰქნას ერთმა რამდენისამე ათასეულის წინააღმდეგ?! მოგეხსენებათ, ძალა აღმართსა ჰხნავს და ისიც ამ ძალას უნებურად გულმოკლული ემორჩილება, ჰყრის ბრძოლის იარაღს, მაგრამ სირცხვილით იქ ხომ ვერ მოიციდის, სადაც მისი ღლაპი მეტოქეა. პეტი გზა არ არის, ჩვეულების თანახმად, უარი უნდა სთქვას ძველ დიდებაზე, გადადგეს მეფობიდან და ტახტი ახალ მემკვიდრეს დაუტოვოს. როგორც ძველმა და გამოცდილმა, უნდა შეჰქმნას ახალი სამეფო, უნდა გამაგრდეს ახალ ტახტზე.

მუშა ფუტკრებიც იყოფიან ორ ბანაკად. ზოგნი რჩეობენ დარჩნენ ძველ ბინაზე, ახალ დედასთან, ზოგი ემზრობა ხნიერ დედას. სკაში დიდი მითქმა-მოთქმაა, დიდი ბზუილია... აქვთ ბკობა-თათბირი. სკაში მუშაობაზე ხელს იღებენ. მუშა ფუტკრები სწერთო არეულობის ნიშანს იძლევიან. ის მუშა ფუტკრები, რომლებიც ძველ დედას ემზრობიან, ღონივრად მიიძღებიან თავიანთ ნაამაგარ თაფლს და ფუსფუსით ერთი ერთმანეთს ასწრებენ სკიდგან გამოფრენას. როცა რამდენიმე ათასეული გამოფრინდება სკიდგან, მერმე მათ გამოჰყვება ხნიერი



დღედაც. რადგან საესე და, რაკი ის ფ. თვის შორს ვერ მიდის და ახლოს ჯდება ხეზე; მასთან თავსდებიან მისი თანამოაზრე მუშა ფუტკრებიც. ამ რიგად, ხის ტოტზე ჩვენ ვხედავთ მთელ გროვას ფუტკრებისას ერთი ერთმანეთზე აკიდოსაებრ მიყრილს. ასეთ ფუტკრების გაყოფას ეძახიან ფუტკრის მართვობას ანუ, როგორც ჩვენში იტყვიან, ფუტკარმა იყარაო ეს არის ფუტკრის პირველი მართვი. ასეთ მართვს (ანუ ნაყარს) ეძახიან „ნამთავარა“ მართვი, რადგან მთავრად ანუ პირველად ის გამოვიდა ანუ გაეყო ძველს ოჯახი (первакъ).



ცაცხვის ხის ტოტი, რომელზედაც მართვი (ნაყარი) მიყრილი.

ნამთავარას შამალი ფუტკრები ნაკლებად გამოჰყვება, რადგან მამლები ყველაზე მეტად იქ არიან საკირონი, სადაც ახალგაზრდა ქალწული დედა არის. ამისთვის ისინი რჩებიან ძველს სკაში ახალგაზრდა დედასთან. ამრიგად ძველი სკა თავის მთელის მოწყობილობით და ფუტკრების ნაწილით რჩება სამეფოთ ახალგაზრდა ქალწულ დედას. თუ როგორ მოვექცეთ ახლად გაყოფილ მართვს, ამაზე შემდეგ, ჩემო მეგობრებო.

აბ. წულაძე

(შემდეგი იქნება)





თეთრი ეანჩა

(ზღაპარი)

ნ. ტელეშოვისა

II



ამდენმაზე წელიწადი გავლო მას შემდეგ.

ის ქვეყანა, სადაც იზოლდა დასახლდა, სრულიად არა ჰგავდა მის საშობლოს. თოვლი აქ არასოდეს არ მოდიოდა; ცისფერი თბილი ზღვა ალერსით ჰბანდა პირს მობიბინე მიდამოებს, რომელიც დაფარული იყო ვენახებითა და ბაღებით. ცხოვრება აქ უფრო საამო იყო, ვიდრე ჩრდილოეთში: ზღვაც უფრო მშვენიერი იყო აქა, ცაც უფრო ლურჯი, ვარსკვლავნიც უფრო მოკაშკაშენი და სიმღერაც უფრო უდარდელი.

მაგრამ ამ სიამეში, ამ ბედნიერებასა და ქმარ-შვილობაშიც რაღაც დიდი რამ აკლდა იზოლდას. აკლდა სიმშვიდე სულისა და ამიტომაც არაფერი არ ახარებდა. მოენატრა საშობლოც, მოუნდა ენახა მამაც, რომელიც უკვე სიბერეში შედიოდა.



გაზაფხულის პირზედვე მოემზადა იზოლდა წასასვლელად და წავიდა კიდეც. მაგრამ რაც უფრო შორდებოდა თავის სახლს, მით უფრო ძლიერებითა და სიმკაცრით ჰქროდა ქარი, უფრო მეტად იკიდებდა ნისლე-ბურუსს ცა, უფრო და უფრო მეტი სიცივე და ყინვა იყო.

იმის საშობლოსათვის ჯერ კიდევ შორს იყო გაზაფხული, ყინული მხოლოდ ახლა ტყდებოდა ზღვაზე და ნაპირები ისევ თოვლით იყო დაფარული. მაგრამ ნაცნობს ადგილებს რომ მიუახლოვდა, გული სიამითა და სიხარულით აუძგერდა იზოლდას.

როგორ გაუხარდა მეფეს შვილის მისვლა!

— ჩემო ძვირფასო იზოლდა!—ამბობდა მამა და სიხარულის კრემლებს აფრქვევდა.—მე იმედი აღარა მქონდა, რომ შენს ნახვას მოვესწრებოდი. ვბერდები, ხშირად ავადვმყოფობ და მეშინოდა, ვაი თუ ისე მოვეკვდე, შვილის ნახვა აღარ მელირსოს მეთქი.

დილიდან დაწოლის დრომდე მეფე თავისს ასულთან იჯდა, ეკითხებოდა მის ამბავსა და თავისასაც უამბობდა.

იზოლდა თავის უწინდელ ოთახში მოთავსდა და ყოველთვის, როცა დასაძინებლად წვებოდა ხოლმე, იგონებდა თავისს ცხოვრებას, ბავშვობიდან დაწყებული დიდობამდე, და სულს სიამე და შვება ეფინებოდა.

* * *

მთვარიანი ღამე იყო. ძილი არ მოსდიოდა იზოლდას ამ ღამეს. ადგა ლოგინიდან და მივიდა იმ დიდ ფანჯარასთან, რომლიდანაც ზღვის პირად ამართული შიშველი კლდეები სჩანდა, ხოლო იმათ იქით-კი—მისი მშობლური ჩრდილოეთის ზღვა.

„აქაც მალე დადგება გაზაფხული, — ფიქრობდა პირზე ღიმილ მომდგარი იზოლდა.—ყინული დაიძრა .. ჩქარა ხავსი მოედება კლდეებსა... მინდორ-ველი ამწვანდება“...



ეროვნული
მეცნიერებათა
აკადემია

და იზოლდა აღტაცებულის თავ-დავიწყებით შვებულებითა და შრომითა და ახალგაზრდობის ბრწყინვალე მოგონებას. მოაგონდა აქ გატარებული უკანასკნელი გაზაფხულიც, როცა ჯერ ისევ საპატარძლო იყო, მოაგონდა ყინვიანი ღამეც, ასეთივე მთვარიანი და ნათელი, როდესაც ამ ფანჯარაში იხედებოდა და თავის სამშობლოს ფრად შეხამებულს საქორწილო მორთულობისათვის ოცნებობდა.

„თეთრი კახა—ვით თოვლი, ნაცრისფერი წამოსასხამი—ვით ზღვა, და თავმორთულობა—ვით ყინულის მობრკვევილი ისარ-ფხები“,—ლიმილით იგონებდა იზოლდა.

— რა ახალგაზრდა და რა დაუფიქრებელი ვიყავ მაშინ!

მოაგონდა სასტიკი მოხუციც, რომელმაც წაიკლუნა და საბრალო ყანჩის მოკვლის დასტური დააცემინა. ბევრი, ძალიან ბევრი რამ მოაგონდა ამ წუთას თავის განვლილ ცხოვრებისა.

რამდენისამე ხნის შემდეგ, როდესაც უკვე თავისს ოთახში ეძინა, უეცრად მოეჩვენა იზოლდას, რომ ვიღაცა აღვიძებს, მხარს უნძრევს.

ქალმა თვალეები გაახილა. მთელს ოთახს მთვარის შუქი ანათებდა, ხოლო მის ლოგინთან-კი ორი დიდი ფრინველი იყო გაჩერებული. ფრინველებს ნისკარტები ქალის სასთუმლით საკენ გაეწვდინათ და თავიანთ დიდრონის, მწუხარე თვალეებით იზოლდას მისჩერებოდნენ.

ერთს ამ ფრინველთაგანს თავზე თეთრის, წმინდა ისრების ფუჭფუჭა ქოჩორი ჰქონდა; მეორეს ნისკარტში ეკირა ორი წითელი, ვარსკვლავის მსგავსი ყვავილი, რომელთაც ნახშირით შავი გულები ჰქონდათ.

იზოლდა შეერთა, საჩქაროდ წამოიწია და ლოგინში წამოჯდა. შიშით თვალეები გასდიდებოდა და ისე შეჰყურებდა ფრინველებსა.

— წაიღე ეს ყვავილები, ბატონის ასულო, — უცნაურად დაელოპარაკეს ყანჩებმა და მუხლებზე დააყარეს ყვავილები იხოლდას. წაიღე. ეგენი ჩვენის ძმების სისხლზე აღმოცენდნენ. შენ მოგიტანეთ, ბატონის ასულო.

გაოცებული და შეშინებული იხოლდა ხმას არ იღებდა.

— თავისუფლად და ბედნიერად ვცხოვრობდით, — განაგრძო ყანჩამ: — ისევე ვიცხოვრებდით კელავაც, შენ რომ არ გებრძანებინა და არ მოგეკვლევინებინა ერთი ჩვენგანი, რათა ხელთ ეგდოთ იმისი ქოჩორი შენის საქორწილო მორთულობისათვის. ეს ქოჩორი მხოლოდ გაზაფხულზე ამოგვდის და გვეზრდება, იმ დროს, როცა ბუდეებს ვაკეთებთ. ეს ჩვენთვისაც იგივე საქორწილო მორთულობაა. იცოდი შენ ესა, ბატონის ასულო?

იხოლდამ თავი ჩაღუნა.

— პირველმა შენ უბრძანე ეშოვნათ ჩვენი ქოჩორი შენის მორთულობისათვის. და მას შემდეგ იწყეს ჩვენთან სტუმრობა დიდის ქალაქების მონადირეებმა, დაგვიწყეს ხოცვა ასობითა და ათასობით... ყოველის მხრით ვეძებდით ხსნას, მაგრამ მონადირეთა რიცხვი ყოველ გაზაფხულზე თანდთან მატულობდა, ხოლო ჩვენს რიცხვს კი უფრო და უფრო აკლდებოდა. იცი ესა, ბატონის ასულო?

იხოლდა თრთოდა და ხმის ამოღებას ვერ ახერხებდა, ხოლო ყანჩები კი განაგრძობდნენ:

— გვხოცდნენ უწყალოდ, განურჩევლად. გვხოცდნენ იმ დროს, როდესაც ბუდეებს ვაკეთებდით, როდესაც ჩვენს შვილებს ვზრდიდით! მკვდრები და დაკოდილები ვცვივოდით ძირს, სისხლი თქრიალით გადმოგვდიოდა, გვწიწკნიდნენ ჩვენს მორთულობას და ჩვენი ბარტყები შიმშილით იხოცებოდნენ... ეს არ გიფიქრნია, ბატონის ასულო? და ორივე ყანჩა პირდაპირ თვალეში შესცქეროდა იხოლდას.

— დღეს ამოსწვიტეს ყველა დანარჩენები... ჩვენის წინაშე
ში ამოვარდა... უკანასკნელი წყვილი ვართ კოცნალი და
მოვფრინდით შენთან, ბატონის ასულო, მოვფრინდით, რომ
წაგიყვანოთ და გაჩვენოთ შენი ნამოკმედარი. ჩვენის ძმების
სისხლი ჯერ კიდევ არ ვაცივებულა, მათი მძორები ჯერ ისევ
მიწაზედა ჰყრია... მაშ, გავფრინდეთ და დავხედოთ, გავფრინ-
დეთ ჩქარა. გვინდა, რომ შენის თვალით ჰნახო ყოველივე.
ამ ჩვენს სისხლზე ამოსულს ყვავილებს საკვირველი ძალა
აქვს. აბა, ხელი მოჰკიდე, ბატონის ასულო.

იზოლდა დაჰმორჩილდა ამ ბრძანებას, ხელში აიღო ერ-
თი ყვავილი და იმ წამსვე იგრძნო, როგორ გამოესხა ფრთე-
ბი. ქალმა მეორე ყვავილიც აიღო და უჩინარი შეიქმნა.

— აბა, გავფრინდეთ! — სთქვეს ყანჩებმა.

ჰაერი გრიგალად იქცა... სადღაც შორს ზღვა შეფოთავდა
და ღრიალებდა, ქარი ზუზუნებდა, დედამიწა თრთოდა და ზან-
ზარებდა, ცისარტყელა ენთებოდა, ქექა-ქუხილი ისმოდა...

— გადავხედოთ ქალაქს, — შემოესმა იზოლდას. — ეს ქვე-
ყნის შუა გულია. და ბატონის ასულმა დაინახა ძირს თვალ-
უწვდენელი ქალაქი, მილიონ სანთლებით განათებული.

სხვებისთვის შეუმჩნეველად დაეშვა ამ ქალაქში სამი მგზა-
ერი.

განიერს, ხალხით სავსე ქუჩაზე გამალებულნი დაფუს-
ფუსებდნენ, ერთი მეორეს ასწრებდნენ, მიჰკროდნენ ეტლე-
ბი, ისმოდა ლაპარაკი, ყვირილი, მზიარული სიცილი. უდარ-
დელი, მორთულ-მოკაზმული ხალხი მალაზიებთან ჩერდებო-
და, ხარბის თვალთ მისჩერებოდა განიერს ფანჯრებს, რომ-
ლებშიაც მოსჩანდა მუქ ფერ ხავერდზე დალაგებული და უჩი-
ნარის სინათლით განათებული თეთრი, ნარნარი ბუმბულები,
ბრილიანტებით მოოკვილი.

— რა ლამაზია! რა შეუდარებელი რამ არის! — იძახდა

მორთულ-მოკაზმული ხალხი და ერთი მეორეს ხედონდა და სიტყვები ეცვლებოდა და ისე ყიდულობდა ეგრეტებსა *).

ბატონის ასული კი ფიქრობდა: „ეს ჩემი თავმორთულობააო...“

— ჰხედავ, ბატონის ასულო? — ეუბნებოდნენ ყანჩები. — ჰხედავ, როგორ გაიმარჯვა შენმა მოგონილმა სამკაულმა? ყველას ახარებს!.. მაგრამ გავფრინდეთ ჩვენსა და იქ გაიგებ ამ სიხარულის ფასს.

ხელახლად დატრიალდა ჰაერი; ყველაფერი აღრიილდა, ყველაფერი ახმაურდა ირგვლივ, ყველაფერი დაბნელდა. იზოლდა გრძნობდა, რომ ხელახლა საშინელის სისწრაფით მიფრინავდა საითღაც მაღლა, სულ უფრო შორსა და შორს, ღრუბელთა და გრიგალთა შორის, თვალით განუჭკვრეტელს ლამეში.

როდესაც განთიადმა მოატანა და ცის კიდურთან ბრწყინვალე მზის ბურთი გამოჩნდა, მგზავრებმა დაინახეს ძირს, თავიანთ ქვემოდ, მობიზინე ვაკე და დიდის, წყალ მრავალ მდინარის ნაპირი. მგზავრნი ნელ-ნელა დაეშენენ ძირს და ბოლოს თვითონ მდინარეს გადაველენ ზემოდან. ირგვლივ გულ-წარმტაცი გაზაფხულის დილა ბრწყინავდა და ელვარებდა. იზოლდას უცნობი მშვენიერი ყვავილები, რომელიც ძლიერსა და საამო სურნელებას გამოსცემდნენ, უზარმაზარს ხეებზედ იზრდებოდნენ; მსხვილს ტოტებს მოჰხვეოდნენ და ერთმანეთს ჩახლართვოდნენ მგლინავი მკენარენი, რომელნიც პეთა კენწეროებს ასცილებოდნენ და იქიდან მქიდრო გრეხილებად გაბმულიყვენენ ხიდან ხეზედ. ძირს, კრელს ხალიჩასავით, გადაშლილიყო ქორფა და სურნელოვანი ბალახი; მდინარის ნაპირებზე ნარნარ საგალობელს აშრილებდნენ მაღალი ლელწამნი. ყოველს მხარეს სითბო, გაზაფხული და ფუფუ-

*) ეგრეტი — ქალის სამკაულია, ფრინველის ბუმბულისაგან ვაკეთებული.



ნება იხატებოდა, ყველგან სიციხე და მხიარულება მოსქვიოდა.

— აქ არის ჩვენი სამშობლო, — სთქვეს ყანჩებმა. — ჰხედავ, ბატონის ასულო, რა მშვენიერებაა ჩვენში გაზაფხული? გესმის თუ არა ნაზი შხაპუნი წყალისა და საამო შრიალი ლელწამთა; ჰხედავ თუ არა ჩვენს ცოცხალს, სურნელოვანს ყვავილებს, ჩვენს ცხოველს მზეს?

— დიაღ, — უბასუხებდა იზოლდა. — არასოდეს არ მინახავს ასეთი მშვენიერი გაზაფხული.

— აბა, იმას ჰხედავ, აი, იქ, ქილთა შორის ყვავილებთან, ბალახებში, და აი, აქაც, მთლად წყლის ნაპირების გაყოლება და ყველგან, სადაც კი თვალი მისწვდება, — ჰხედავ თეთრს ქულებს?

— დიაღ, ვხედავ.

— ეს ქულები კი არა, ბატონის ასულო... თეთრი ყანჩები ჰყრია. ეგენი დაჰხოცეს იმისთვის, რომ მათის თავებიდან ქოჩრები ამოეწიწნათ...

უჩინრად მისრიალებდა იზოლდა მდინარის გასწვრივ და აღშფოთებული ადგევებდა თვალსა. საითაც კი გაიხედავდა, ყველგან ჰხედავდა თოვლივიდ თეთრ მძორს, თავ-გასისხლიანებულს.

— ღმერთო, რა საშინელებაა! — ამბობდა თავზარდაცემული ქალი.

ათასობით ფრინველნი ეყარნენ მშვენიერს, სურნელებით აღსავსე მინდვრებში. ზოგი უკვე დიდისხნის მკვდარი იყო, ზოგი ახლად დახოცილი, ზოგი ეხლა კვდებოდა და, სულთა ბრძოლის მწვავე ტკივილისაგან ნისკარტ გაღებული, მდუმარეს ტანჯვით შეჰყურებდა იზოლდას.

— აი, საფასური შენის მორთულობისა, — ხელ-ახლად შემოესმა იზოლდას. — ჩვენ გვხოცდნენ, ხოლო ჩვენს შვილებს შიმშილი ჰკლავდა.

იზოლდამ აქეთ-იქით დაუწყაო ხეებს თვალიერება, იქნება



ერთი ცოცხალი არსება მაინც ვნახო, ერთი ცოცხალი მაინც გავიგონო ამ ხეობაშიო, მაგრამ ჰხედავდა მხოლოდ დანგრეულსა და გავერანებულს ბუდეებს დადახოცილის ბარტყებით.

— ჯერ კიდევ დიდი ხანი არ არის მას აქეთ. ბატონის ასულო, რაც აქ ყოველს მხარეს მხიარულებისა და სიცოცხლის ქრიაშული ისმოდა. დიდი ხანი არ არის მას აქეთ, როცა პირველად გაისმა ხმა გოდებისა და კვნესისა. გუშინ კიდევ გაჰკიოდა ჰაერში ხმა უკანასკნელის ტანჯვისა, ხოლო დღეს ყოველივე მიჩუმდა: გამეფდა სიკვდილი... განა გესმის რაშე, ან ჰხედავ რასშე, გარდა სიკვდილისა?...

ელდა-ნაკრავი და თავ-განწირული აწყდებოდა იზოლდა აქეთ-იქით და არ იცოდა, საით გაქცეულიყო, რომ აღარ დაენახა თავის მოუფიქრებლობის მსხვერპლნი, აღარ გაეგონა სინიდისის მქენჯნავი ხმა. იზოლდამ შეიგნო, რომ დაჰლუპა არა მარტო ერთი ფრინველი, როგორც ამას მოხუცი არწმუნებდა, არამედ ამოსწყვიტა მთელი შთამომავლობა, მთელი ჯიში. იზოლდა ყოველს ღონეს ხმარობდა გასათავისუფლებლად, იწევდა და აწყდებოდა აქეთ-იქით—და უცბად შემოჰკრა ფრთა ფრთასა და წარმოუდგენელის სისწრაფით საითკენაც გაჰქანდა მარტოდ-მარტო უამხანაგებოდ, მაგრამ ზემოდ კი არა, ქვემოდ, სადღაც უძირო შავს უფსკრულში. ქალს თვალთ დაუბნეოდა და გრძნობა დაეკარგა.

* * *

იზოლდას თავის ლოგინში გაელევიძა.

ჩქარა ვერ გამოერკვა იმ საშინელებიანი, რომელმაც მოიცივა იმისი სული. ეგონა, კვლავ ლელწამთა შრიალი მესმისო. და მდინარეს, ყვავილებსა და თეთრ ქულებს ვხედავო.

— სიზმარია! — მიხვდა, როგორც იყო, ქალი და თავისუფლად ამოისუნთქა. — მადლობა ღმერთს, მხოლოდ სიზმარი იყო.

ფერ-მიხდილი და თითქმის ავადმყოფი ადგა იზოლდა და დიდხანს ვერ შესძლო დამშვიდებულიყო. დიდხანს დადიოდა

სასახლეში და არ იცოდა, სად გაპქცეოდა მძიმე ფიქრებს და მოგონებას. რცხვენოდა თავის თავისაცა და მამისაცა, რომელიც მოატყუილა. ამასთანავე შიშმა შეიპყრო, როცა შორს, ზღვათა იქით დატოვებული საკუთარი ოჯახი და ქმარ-შვილი მოაგონდა. მხოლოდ ერთის წუთით წარმოიდგინა თავისი თავი არა ბატონის ასულ იზოლდათ, არამედ თეთრ ყანჩად, რომელსაც შვილები შიმშილით უწყდებდა, მხოლოდ იმიტომ, რომ ვიღაცას ლამაზად შორთვა მოეპოვებინა...

— საშინელებაა! საშინელება! — ჩურჩულებდა იზოლდა და ძლივს-ლა დგებოდა ფეხზე შიშისა და აღშფოთებისაგან. — საშინელებაა! დიდი სირცხვილია!...

— სახლში მივდივარ, — გამოუცხადა ქალმა მამას. — ნუ დამიჭერ, ერთს დღესაც არ შემიძლიან დავრჩე. უბრძანე, გემი მოამზადონ. ვიტანჯები, ვკანკალებ ჩემის შვილებისათვის.

და იზოლდამ მამას უამბო ეს საშინელი სიზმარი და თავისი ბოროტ-მოქმედება შეინანა.

თავი ჩაპკიდა მოხუცმა მეფემ, ეს რომ მოისმინა.

— დიად, — მწუხარებითა და საყვედურით წარმოსთქვა მეფემ, — არ მეგონა, თუ მომატყუებდი, იზოლდა. და მამამ დაუწყო გმობა: დიდი ხანია მესმის, როგორ სწყევტავენ თეთრ ყანჩებს მორთულობისათვის, დიდი ხანია აღშფოთებული ვარ ამისთანა ამბების გაგონებითა და შენი სიზმარიც, არსებითად, სიმართლეა, ნამდვილი სიმართლეა.

— სიმართლეა?! — შეკრთა იზოლდა.

— სამძიმო სიმართლე! — მწუხარედ მიუგო მეფემ. — ყანჩებიც ილუბებიან და ადამიანის ღირსებაც დაბლდება.

იზოლდა შეეხვეწა მამას, მასწავლევ, რითი გავასწორო და მოვინანიო ჩემი დანაშაულიო, მაგრამ მეფემ უთხრა:

— რაც მოჰხდა, იმას ვერავითარი სინანული ვერ წარბოცავს. სინანული ასპეტაკებს სულსა და ჰბლუდავს, რათა ახალი დანაშაული არ ჩაიდინოს, მაგრამ წარსულის გასწორება-კი შეუძლებელია.



— გეფიცები, — წამოიძახა იზოლდამ, — რომ მთელს ჩემს სიცოცხლეში ამის მეტი ბოროტება არ გავბედო არავის წინააღმდეგ!

— ეგ კოტაა კოტაა — ბოროტება არ გაჰბედო: საქიროა კეთილი მოიქმედო. და მხოლოდ მაშინ იქნები ბედნიერი და დამწვინებული, — ეუბნებოდა მეფე იზოლდას და თავისს ძვალტყავად ქცეულს ხელს აღერსით უსვამდა თმაზე. — ქვეყნად უამისოდაც ბევრი ტანჯვავა, ხოლო თუ ბოროტად და უსამართლოდ მოექცევი თუნდაც სრულიად უმნიშვნელო არსებას, ამით აღიდებ ბოროტებასა. და ადამიანის დანიშნულება — კი ეგ არ არის.

მეორე დღეს მეფემ გააცილა სახლისაკენ მიმავალი იზოლდა. ქალი ჩაფიქრებული და მღუმარე იყო. გემზე აღარ იყო ახლა არც ყვავილები, არც ფერად-ფერადი ჩირაღდნები, მსგავსად იმ გაზაფხულისა, როდესაც ბედნიერი იზოლდა, თვისის სილამაზითა და ახალგაზრდობით თავ-მოშწონე, ახალ ცხოვრებით დასატკობად მიემგზავრებოდა ახალს სამეფოში. მაშინ ქალს მარტო პირადი ბედნიერება ეხატებოდა თვალ-წინ; ეგონა ყველანი იზიარებენ ჩემს სიხარულსაო, ახლა-კი მიდიოდა მარტო, მწუხარე, ობლად, მაგრამ საერთო, საკაცობრიო ბედნიერებისათვის ფიქრით აღვისილი. ყველანი ბედნიერნი უნდა იყვნენ და ქვეყნად ყველაფერი სიკეთედ უნდა იქცესო. ბრუნდებოდა სახლში, საცა დატოვებული ჰყავდა ქმარ-შვილი და ხალხი. ხალხში ბევრი მწუხარება იყო და ამ მწუხარების შგმსუბუქება გადასწყვიტა იზოლდამ, რომელმაც დაივიწყა თავისი თავი და თავისი საკუთარი სიამოვნება.

— შშვიდობით, საყვარელო ასულო! — უთხრა უკანასკნელად მოხუცმა მეფემ თავისს ქალს. — მოწყალება და სიკეთე, რომელიც შენ ახლა თან მიგაქვს, მტკიცე ბედნიერებას მოგანიჭებს.

როდესაც გემი უკვე ზვირთებში მისცურავდა, შორდებოდა კუნძულსა და ნისლიან ზღვაში მისრიალებდა, იზოლ-

და ისევ ფეხზე იდგა, გაჩუმებული და ჩაფიქრებული დაფიქრებულად დასვენებულად უკეთეს მომავლის იმედით, მაგრამ ეს უკეთესი მომავალი არა პირადად მას, არამედ იმის ხალხის კეთილდღეობას შეეხებოდა. ქალს ეჩქარებოდა შინ დაბრუნება, რათა თავის სამშობლოში დაეწყო სრულიად ახალი, კეთილი და ნაყოფიერი ცხოვრება...

განდევნილი

(დ. სახარული)



ნატო გაბუნია

(30 წლის სასცენო მოღვაწეობის სახსოვრად)

ქართული
ზინალიონი

ამ 1909 წელს 30 წელი შესრულდა, რაც ჩვენი ნიჭიერი მსახიობი ნატალია გაბუნია-ცაგარლისა დაუღალავად, ერთგულად და დიდის ნიჭით ქართულ სცენას ემსახურება.



ნატალია გაბუნია დაიბადა გორში 1859 წელს 3 თებერვალს. მამა მისი იყო ნადიამბეგარი მერაბ გაბუნია, დედა—

ფაველენიშვილის ქალი. ამით გარდა ნატოს ჰყავდა უკიდრე ქაშაში და, ორი ძმა და ბებია. ქართული წერა-კითხვა ასწავლა ამ ბებიათ.

1879 წელს ტფილისში ახლად დაარსებულ დასში მიიღეს ნ. გაბუნია. ამის გარდა, ამ ნორჩ დასში ითვლებოდნენ ისეთი მსახიობნი, როგორც ყოველად უნიკირესი მარიამ საფაროვი (აბაშიძისა), ბარბარე კორინთელი (ყიფშიძისა), მაშო ყიფიანი (ქართველიშვილისა), ვასო აბაშიძე, კოტე ყიფიანი, კოტე შესხი, ზაალ მაჩაბელი, ადამ ჩუბინაშვილი, ნიკო შინიაშვილი და აქესენტი ცაგარელი. ამ წლიდან დაიწყო ნატო გაბუნიათ გამუდმებული შრომა ქართულ სცენაზე.

ამ ოცდა ათის წლის განმავლობაში ნატო გაბუნია-ცაგარლისას შეუსრულებია ბევრი სხვა და სხვა როლი. უმეტეს და განსაკუთრებულ ხელოვნებით ასრულებს ხანში შესულს დედაკაცის როლებს ჩვენის ცხოვრებიდან; ამ როლებში შეუღარებელია.

ნატალია გაბუნია-ცაგარლისა ჯერ მხოლოდ 50 წლისაა და კვლავაც დიდს ხანს შეუძლია ემსახუროს თავის საყვარელს სცენას, ქართველ ხალხის სანუგეშოდ და სასახელოდ.



ფრიდრიხ შილლერი




წორედ წელს სრულდება ას ორმოცდა ათი წელიწადი მას აქეთ, რაც დაიბადა გერმანიის დიდებული პოეტი ფრიდრიხ შილლერი. გერმანია და მასთან ერთად ყველა განათლებული ქვეყნები შარავანდელით ღვაწლ-შემოსილ სახელს ფრიდ-

რიხ შილლერისას თავის დღეში ვერ დაივიწყებენ. ბუნებისაგან ნიჭით უხვად დაჯილდოვებული პოეტი თავისს ნაყოფიერის შრომითა და ღვაწლით მთელ კაცობრიობის დიდებულ მასწავლებლად და მოძღვრად უნდა ჩაითვალოს, რადგან თავის მხატვრულ ნაწარმოებთ უნერგავდა გულში ქვეშაობრტების სიყვარულს არა მარტო თავის მოძმე გერმანელს, არამედ ყველას, განურჩევლად ეროვნებისა. ფრიდრიხ შილლერის ნაწარმოებში ჩაქსოვილი აზრები საკაცობრიო აზრებად და იდეალებად ჩაითვლება. სწორედ ამათი აიხსნება ის გარამოება, რომ დიდებულ პოეტის ღვაწლ-შემოსილ სახელით თავი მოსწონს არა მარტო პოეტის სამშობლოს—გერმანიას, —არამედ მთელ განათლებულ კაცობრიობას, რომელიც, ყოველს ექვს გარეშეა, დიდის აღტაცებით იდღესასწაულებს დიდებულ პოეტის დაბადების ას ორმოცდა ათის წლის თავს. სწორედ პოეტის აღნიშნულ თავისებებით აიხსნება ის გარემოება, რომ დიდებულ მწერალისა და პოეტის თხუზულებანი თითქმის ყოველ ერის ენაზედ არის ვადათარგმნილი. ყოველი ერი, საცა კი მწერლობას ცოტა ოდნად მაინც ფეხი მოუკიდებია, თავის მოვალეობად სთვლის გააცნოს დიდებულ მწერლის აზრები და იდეალები თავის თანამემამულეებს.

1905 წელს „ნაკადულის“ რედაქციამ თავის პატარა მკითხველებს უკვე გააცნო გერმანიის ღვაწლ-მოსილი პოე-

ტის ყოფა-ცხოვრება, მისი მოღვაწეობის დაახლოებული მნიშვნელობა. და ამიტომ ამ ქაშად რედაქცია გაცხადებდა.



ფრიდრიხ შილლერი

ნებს თავის მკითხველებს პოეტის მოკლე ბიოგრაფიულ ცნობებს და მის ნაწარმოებთა მნიშვნელობას და ამასაც მხოლოდ იმ აზრით, რომ ჩვენმა პატარა მკითხველებმა, მთელ განათლებულ კაცობრიობასთან ერთად, ქებითა და ღიღებით მოიხ-



სენიონ და აღნიშნონ, ას ორმოცდა ათის წლის დაბადების დღის თავი იმ ღვაწლ-შემოსილ ადამიანისა, რომელიც სიტყვითა და საქმით, ჯამსა ყოველსა ჭეშმარიტებისა და სათნოების დამყარებას სცდილობდა, რომლის დიდებული კალამი მუდამ საკაცობრიო იდეალების დამკვიდრებას გულ-წრფელად ემსახურებოდა.

ფრიდრიხ შილლერი დაიბადა 10 ნოემბერს 1759 წელს. პოეტის წინაპარნი, როგორც დედისა, ისე მამის მხრით უბრალო სოფლის მეპურეები იყვნენ. პოეტის მამა იოჰან შილლერი თავის ნიჭითა და გამჭრიახობით მთელს გვარეულობაში ყურადღებას იქცევდა. ათის წლის იოჰან შილლერი მამას უკვე პურის გაყიდვასა შეელოდა. პატარა იოჰანმა წერა-კითხვაც მალე შეისწავლა და თან და თან უფრო მეტ სურვილს იჩენდა სწავლის შეძენისას. მშობლებმა შვილის სურვილს ანგარიში გაუწიეს და ათის წლის იოჰანს ადგილობრივ ექიმ დოსტაქარს მიიბარეს სასწავლებლად. ექიმმა დიდი ყურადღება მიაქცია ნიჭიერ ყმაწვილს, რომელიც დიდის გულმოდგინებით დაეწაფა ექიმობის შესწავლას. ოცდა ორის წლის იოჰან შილლერმა უკვე სამხედრო ექიმის თანამდებობა დაიკურა. ოცდა ხუთის წლის კაბუკმა ჯვარი დაიწერა ადგილობრივ მეპურის ქალზედ—ელისაბედ კოდვეისზედ

რვა წლის ქორწინების შემდეგ, 10 ნოემბერს 1759 წელს, იოჰანსა და ელისაბედ შილლერს შეეძინათ ვაჟი ფრიდრიხ შილლერი, მომავალი პოეტი და დიდება მთელის გერმანიისა. პოეტის მშობლები პატიოსან და გულკეთილ ადამიანებად იყვნენ მიჩნეული. ეს ცხოვრებისათვის აუცილებლად საჭირო თვისებანი მშობლებმა უმეტესაკლებოდ უანდერძეს თავის საყვარელ შვილს. ფრიდრიხ შილლერი თავისი გარეგანის შეხედულებით პირწავარდნილი დედა იყო: მაღალი და მოხდენილი ტანი, ნათელი პირის სახე, ფართო შუბლი, ნაზი გამომეტყველება თვალებისა ერთი ორად სასიამოვნოდ ხდიდნენ მომავალ პოეტს მნახველთათვის.




ექვსის წლის პატარა შილდერი მშობლებმა მუხარყმად გილობრივ მღვდელს, რომელიც ყმაწვილის ნიჭითა და ცნობის მოყვარეობით აღტაცებაში მოდიოდა. მღვდელი დიდ იმედებს ამყარებდა თავის პატარა მოწაფეზე და ყოველთვის კერძო ბაასში მშობლებს ურჩევდა, საფუძვლიანი განათლება მიეცით თქვენს შვილს ფრიდრიხსაო.


1773 წლამდის ფრიდრიხ შილდერი სწავლობდა, ადგილობრივ მღვდლის რჩევით, ლათინთა სკოლაში, ხოლო ამ წელს კი ვირტემბერგის ჰერცოგმა კარლოსმა ჩარიცხა ახალგაზრდა ფრიდრიხ შილდერი სამხედრო აკადემიის მოწაფეთ. ამ სასწავლებელში შილდერი დაეწაფა იურიდიულსა და საექიმო საგნებს და ზედ მიწვევითაც შეისწავლა ეს საგნები. პოეტი სასწავლებელშივე გრძნობდა თავის პოეტურ მოწოდებას, მაგრამ მაინცა და მაინც არ ეტანებოდა მწერლობას, რადგან ღრმად დარწმუნებული იყო, რომ მარტოოდენ ნიჭი, თუ საფუძვლიანი ცოდნა არ მექნება, დიდს ვერაფერს შემძენსო. აი, სწორედ ამ აზრით განიზრახა მომავალმა პოეტმა ჯერ ჯერობით მეცნიერების საფუძვლიანად შეთვისება, და მერე სამწერლო ასპარეზზედ გამოსვლა. პოეტმა მართლაც მიაღწია ამ საწადელს. იშვიათი მწერალი—პოეტი გამოსული სამწერლო ასპარეზზედ ისე საფუძვლიანად მომზადებული, ისე ზედნიწვევით მკოდნე თავის დროინდელ მეცნიერებისა, როგორც იყო ფრიდრიხ შილდერი, როცა მან მწერლობას მიჰყო ხელი. სწორედ ამითი აიხსნება ის გარემოება, რომ თვითეული ნაწარმოები პოეტისა ღრმა ცოდნისა და დაკვირვების შედეგია, თვითოეულს ნაწარმოებს იშვიათის ნიჭისა და ცოდნის შეურყეველი ბეჭედი აზის.

ოცი-ოცდა ათის წლის სალიტერატურო მოღვაწეობით ფრიდრიხ შილდერმა გერმანიის ერს შესძღვნა ისეთი ხელთუქმნელი ძეგლი, რომლის მოსპობა და განადგურება არავითარ ეამთა ვითარებას არ შეუძლია. ფრიდრიხ შილდერის „ავაზაკები“, „ფიესკო“, „ცბიერება და სიყვარული“, „დონ

კარლოსი“, „ნიდერლანდის პროვინციების ჩამოშორების ისტორია“, „საბერძნეთის ღმერთები“, „30 წლის ომის ისტორია“, „წერილები კაცის ესტეტიურ განვითარების შესახებ“, „მარიამ სტუარტი“, „ორღეანელი ქალწული“, „ვალენშტეინი“, „ვალჰელმ ტელი“, „მესხინელი პატარძალი“ და მრავალი კიდევ სხვა ნაწარმოები ლიტერატურის ისტორიაში მსოფლიო ნაწარმოებთა უნდა ჩაითვალოს. ყველა ამ თხზულებას საფუძვლად აქვს დადებული საკაცობრიო აზრები და იდეალები, ყველგან და ყოველთვის პოეტი უპირველეს ადგილას აყენებს კაცობრიობის კეთილ-დღეობას და ამ თვალთისრის ხედვით ზომავს ამა თუ იმ თხზულების გმირის გრძნობას, ყველგან და ყოველთვის პოეტის გულწრფელი მისწრაფება და სიმპატია ადამიანის გაკეთილშობილების იდეალს ემსახურება. კიდევაც სწორედ ამით აიხსნება, რომ ფრიდრიხ შილლერის თვითოველი თხზულება თავისი წარმტაცი „სამარადისო იდეალებით“ იკაცებს მკითხველის გონებას, უღვიძებს გულში კეთილშობლურ აზრებს, ამხნევენს ცხოვრების რთულსა და აუტანელს გარემოებაში და კეთილის მომავლისაკენ უთითებს.

ა. მ — ძე





მითღობია

ბროადის ომი

მოციქულების აქილევსთან წასვლა

ელიონთა სარდლების არჩეული მოციქულები გაუ-
თენებლივ მივიდნენ ზღვის ნაპირას და გულწრფე-
ლად შეევედრნენ პოსეიდონ ღმერთს, რათა მათი
აქილევსთან მოციქულობა კეთილად დაგვირგვინე-
ბულიყო. ჩვეულებრივ ლოცვის შემდეგ, მოციქუ-
ლები ჩქარის ნაბიჯით გაეშურნენ მირმიდონების
ბანაკისაკენ. სწორედ იმ დროს, როცა მოციქულე-
ბი მიუახლოვდნენ აქილევსის სამხედრო კარავს, აქეველთა
გმირთა გმირი თავის კარავში იჯდა და მდიდრულად შემკულ,
ძვირფასს კიანურის სიმებს საოცნებოდ აელერებდა და თან
მომხიბლავის სიმღერით ძველ გმირთა სახელს აქებდა და აღი-
დებდა.

აქილევსს პირდაპირ უჯდა მისი გულითადი, საყვარელი
მეგობარი პატროკლოსი და ყურს უგდებდა აქილევების გმირ-
თა გმირის მომხიბლავსა და გულწარმტაც სიმღერას.

აქილევსმა დაინახა თუ არა მოციქულები, რომლებიც,
ოდისევსის წინმძღოლობით, სამხედრო კარავში შემოდოდნენ,
მსწრაფლ ზეზედ წამოდგა და მხიარულის პირის სახით მიე-
გება. აქილევების გმირთა გმირმა მეგობრულად ხელი ჩამო-
ართვა შემოსულ სტუმრებს და თან დასძინა: „დიდად მოხა-
რული ვარ, ბატონებო, თქვენის ჩემს კარავში მობრძანებისა!
ქეშმარიტად, თქვენ ელიონთა შორის ყველაზედ უფრო სა-
სიამოვნო სტუმრები ბრძანდებით!“

ამასთანავე აქილევსმა მიიწვია ძვირფასი სტუმრები თავის სამხედრო კარავში და სთხოვა მოციქულებს საპატრიო აღგილას ჩამომგდარიყვნენ საუცხოვოდ მოქარგულს საეარძლებში.

აქილევსის მეგობარი პატროკლოსიც დიდის სიხარულით და აღტაცებით მიესალმა ძვირფასს სტუმრებს. ჩვეულებრივ მისალმების შემდეგ, აქილევსი მიუბრუნდა თავის მეგობარს პატროკლოსს და უთხრა: „ჩემო გულითადაც, ძვირფასო მეგობარო პატროკლოს! ჩამოასხი საუკეთესო და მაგარი ღვინო და გაგვიშალე მეგობრული სუფრა! ამაღამ ჩემს ჰერს ჰვეშ გაატართნ დრო ჩვენთან ერთად ჩვენმა ძვირფასმა სტუმრებმა!“

პატროკლოსი დაუყონებლივ გავიდა სამხედრო კარავიდან ღვინის ჩამოსასხმელად. თვითონ აქილევსი, თავის მეგობრის ავტომედონის დახმარებით, შეუდგა საკმელების დამზადებას. დაჰკლეს მრავალი თხა და ცხვარი, ააგეს წვადები, მოხარშეს მშვენიერი შაშხი და სწრაფად სუფრაც გაამზადეს. პატროკლოსმა ღვინით სავსე თასები შემოიტანა და ჰური ჩამოარიგა. როცა სუფრა უკვე გამზადებული იყო, პატროკლოსმა ღმერთებს ღვინის ზედაშე წაუქცია და სტუმრები და მასპინძლები შემოუსხდნენ მდიდრულად გაწყობილ სუფრას და ნუგზარს საკმელებს შეექცეოდნენ.

ვახშამზედ, როცა სტუმრები და მასპინძლები დასტკბნენ სანუკარ საკმელებით, ოდისევსმა აიღო ღვინით სავსე თასი ხელში და ასეთის სიტყვებით მიმართა აქილევების გმირთა გმირს აქილევსს: „სახელ განთქმულო და ძლევაამოსილო გმირთა გმირო აქილევს! მუღამ ღრმად დარწმუნებული ვიყავით, რომ შენს სტუმართ მოყვარეობას საზღვარი არა აქვს, შენს სუფრას არასოდეს ჩიტის რძეც არა ჰკლებია! ყოველივე ესე ღრმად გვწამს და ამის შესახებ არასოდეს ეჭვიც კი არ შეგვპარვია. მაგრამ ჩვენ ამ შენის უხვის სუფრის შესამოწმებლად კი არ მოვსულვართ ამ აუტანელს ღამეში, შენთან დროს გასატარებლად და თავ-შესაქცევად კი არ გამოუგზავნივართ



ელლინთა სარდლებს. ჩვენი აქ შენთან მოსვლის სხვა არის. შენ თვითონაც კარგად მოგეხსენება ის უბედურება, რომელიც ელლინთა მხედრობას თავს დაატყდა ამ უკანასკნელ დროს. ჩვენი ავლა-დიდება, ჩვენი მხედრობა და ჩვენი ხომალდები უეჭველად ხელთ ჩაუვარდება ჩვენს მოსისხლე, დაუძინებელ მტერს, თუ გული არ მოიბრუნე და ჩვენს მხედრობას ისევ არ დაუბრუნდი. ტროადელების მხედრობის თავგასული რაზმები დაბანაკებულნი არიან ჩვენის ხომალდების მახლობლად და კადნიერებით მოიწვევენ ჩვენის მხედრობისაკენ. ყველაფერი ხელს უწყობს, რომ ერთბაშად ცეცხლი წაუკიდონ ჩვენს ხომალდებს და ერთიანად გადაბუგონ. ამაზედ მეტი სირცხვილი და დამარცხება კიდევ შესაძლებელია! ღმერთების მამათმთავარი, ყოვლად შემძლებელი ზევსიც ტროადელების მხარეზედ არის და, რაც შეიძლება, ხელს უწყობს მათს გამარჯვებას. ტროადელების მხედართ-მთავარი ჰექტორი კარგად გრძნობს ამ უპირატესობას და კიდევ ამიტომ არის, რომ ასე მოურიდებლად თავს ესხმის ელლინთა მხედრობას და ასე შეუბრალებლად მუსრს ავლებს ჩვენს მეომრებს. თავწასული ჰექტორი ამჟამად მხოლოდ განთიადს მოელის, რომ კვლავ განაახლოს ჩვენ მხედრობაზედ თავდასხმა. უეჭველია, რომ თავგასული მოსისხლე მტერი არ დაზოგავს ჩვენს ხომალდებს და ცეცხლის ალში გაახვევს მთელს ჩვენს მხედრობას. დიდებულო აქილევს! მოიბრუნე ელლინთა მხედრობაზედ შენი ჩჩვილი გული და დაიხსენი, თუმცა უკვე გვიან არის, ამ საშინელის თავ-ზარ დამცემ განსაცდელისა და გაკირვებისაგან. ტროადელების მთავარ სარდალს ჰექტორს ყოველთვის ეშინოდა შენი, ყოველთვის შიშითა და კრძალვით შემოგყურებდა, და ამიტომ შენი ისევ ჩვენს მხედრობაში დაბრუნება შევლას მისცემს ჩვენს ამჟამად გაკირვებულს მხედრობას; შენი კვლავ ტროადელების წინააღმდეგ გალაშქრება ჩვენს მხედრობას აღაფრთოვანებს და განსაცდელისაგან გვიხსნის. მთელის მხედრობის სახელით, გვედარები, დიდებულო აქილევს,



მოიბრუნე შენი გული ჩვენსკენ და ამ გაქირვებულსაგანს დაგვიგეიხსენი! გახსოვდეს, რომ ჯერ კიდევ ჩვენს მოსისხლე მტერთავეის საწადელი არ აუსრულებია. და თუ ასე არ მოცევი და დახმარებას არ აღმოგვიჩენ, დაარწმუნე შენი გული, რომ შენ თვითონვე მწარედ დაგალონებს შენის საყვარელის მხედრობის მოსისხლე მტრისაგან განადგურება და მიწასთან გასწორება. დიდებულო აქილევს! მოიგონე მამაშენის ის საგულისხმიერო სიტყვები, რომლითაც გამოგისტუმრა აელისის ნავთსადგურიდან. „შეიოკე შენი ამაყი გული!“ — გეუბნებოდა მამა შენი გამოთხოვების დროს: „გახსოვდეს მუდამ, რომ სათნოება და მშვიდობიანობაა საუკეთესო თვისება ადამიანისა, და არა მრისხანება და უთანხმოება!“ აი, ეს საგულისხმიერო სიტყვები, ჩვენო გმირთა გმირო აქილევს, უკვე დაივიწყე და ეს ასე რომ არ იყოს, განა ჩვენს მხედრობაზედ ამოდენ ხანს გულს არ მოიბრუნებდი?! დამშვიდვით შენი გული, დიდებულო გმირო, მით უფრო რომ აგამემჩნონი თავის დანაშაულს შენს წინაშე საჯაროდ აღიარებს და კიდევ მზად არის ღირსეული პატივი კცეს უხვის საჩუქრების შენდამი მოძღვნით! განა შენთვის საკმარისი არ უნდა იყოს, რომ ელლინთა მხედრობის მთავარ-სარდალმა საჯაროდ შეინანიოს თავისი დანაშაული?! მაგრამ ესეც რომ არ იყოს, ჩვენო სასიქადულო გმირთა გმირო, არ უნდა გავიწყდებოდეს შენი საყვარელი ელლინთა მხედრობა, რომელიც ამ ქამად უკიდურესს გაქირვებას განიცდის; არ უნდა გავიწყდებოდეს ჩვენი საერთო სამშობლო, რომელიც სამუდამოდ შეურაცყოფილი და შერცხუნილი იქმნება, თუ ელლინთა მხედრობა თავგასულ მტრის წინაშე ქედს მოიხრის და ბრძოლის ველს სამარცხვინოდ დასტოვებს. დიალ, დიდებულო აქილევს, არ უნდა გავიწყდებოდეს ჩვენის საერთო სამშობლოს აოხრება და აწიოკება! ვინ იცის, რამდენი უბედური დედა, რამდენი უბედური შვილი, შეუღლე ცხარე ცრემლით ატირდება ელლინთა მხედრობის განადგურებით! დიალ, ყოველივე ესე უნდა

ახსოვდეს და ჩვენს კერძო კეთილ დღეობას არ უნდა ვაწყნარდეთ. ალოთ ჩვენი საერთო სამშობლოს კეთილდღეობა! სამშობლოს სიყვარული, სამშობლოს პატივისცემა, სამშობლოს კეთილდღეობა უპირველეს, სათაყვანო საგნად უნდა გვქონდეს თვითოვეულს ჩვენგანს გულში აღბეჭდილი!”

ოდისეესმა ამასთანავე ჩამოუთვალა აქილევსს ყველა ის საჩუქრები, რომლითაც გადაწყვეტილი ჰქონდა დაესაჩუქრებინა ელინთა მხედრობის მთავარ-სარდალს ძღვევა მოსილი აქილევსი.

ა. მიკაბერიძე



რეზუსი



კა



100,

ნი



”



3,,

მე-11 №-ში მოთავსებულ რეზუსის ახსნა:
დათვა კბენა არ იცოდა და კაცმა ახსნელიაო.



იუდეება ნაკადულის რედაქციაში და
წ.კ. საზ. მ ღაზიაში შემდეგი წიგნები:

ზღაპრები, ვილჰელმ და იაკობ გრიმისა, ნაკა-
დულის რედაქციის გამოცემა, ფასი . . 30 კ.

ტომის თავ გადასავალი, თსზულება მარკ-
ტვენისა, გამოცემა ნაკადულის რედაქ-
ციისა, ფასი 50 კ.

რას გვიამბობს ოთახი, თსზულება აკუნა-
რიუსისა, გამოცემა ნაკადულის რედაქ-
ციისა, ფასი 20 კ.



საქმის დასრულების შემდეგ

საქმის დასრულება

1910 წელს იმავე პერიოდში.

დასრულება:



საქმის დასრულების 12 წელიწადში (I) მკაცრად დანიშნულია 24 წელიწადში.
ორნივე შემთხვევაში მკაცრად დანიშნულია 36 წელიწადში 5 წელიწადში.
ნახევარზე მეტი ვადა გამოიწვევს ორივეს ერთად — 3 წელიწადში.

საქმის დასრულების მიხედვით: * ნაკადული * ს რედაქციაში გოლოვინის პროსპ. სსს. № 8
და წერა-კითხვის გამავრცელებელ საზოგადოების წიგნის მდიანობაში, სასახლის ქუჩაზე.

